



14
1544
124



14
1544
124

全五代詩卷九

羅江李調元兩村 編

唐

莊宗

莊宗名存勗太祖李克用長子天祐五年嗣立
為晉王破燕滅梁遂襲尊號改元同光在位三

年謚莊宗廟號雍陵

五代史補莊宗公子時雅好音律又能
自撰曲子詞其後凡用軍皆以所撰詞
投之使賜聲而唱謂之鉤製至于入陣
不論勝負王頭曉曉則與唱亦
作歌人心其死時亦用軍之一尚也
翰府名英莊宗時禁旅王慶允
微功賞宗嗣源亦言其勞甚密知慶薄
有功但每見慶則憤然安得
更有賜之賞因舉唐太宗曰待余心肯
日是汝遷通時 杜贊則言
後漢明宗成太玉從榮曰吾兄先王在
藩時愛自作歌詩將家子文雅
喜時大能盡抄錄于人口恐被諸儒
奪去時從從方羅羅進士浮薄之

14
1544
124

全五代詩卷九

羅江李調元雨村 編

唐

莊宗

莊宗名存勗太祖李克用長子天祐五年嗣立
為晉王破燕滅梁遂襲尊號改元同光在位三

年謚莊宗廟號雍陵五代史補莊宗公子時雅好音律又能
自撰曲子詞其後凡用軍皆以所撰詞

授之使揚聲而唱謂之御製至于入陣不論勝負馬頭纔轉則衆唱齊
作故人忘其死斯亦用軍之一奇也 翰府名談莊宗時禁旅王慶乞

叙功賞李嗣源亦言其勞莊宗曰知慶薄有功但每見慶心憤然安得
更有賜與之意因舉唐太宗詩曰待余心肯日是汝運通時 北夢瑣言

後唐明宗戒秦王從榮曰吾見先皇在藩時愛自作歌詩將家子文非
素習未能盡妙諷于人口恐被諸儒竊笑時從榮方聚雜進士浮薄之

全五代詩

卷九

唐

短歌

一作歌頭詞

子以歌詩吟咏為事以此言規諷之一日秦王進詩上說于俳優故新磨新磨贊曰勿訝秦工詩好他阿爺平生愛作詩上大笑先皇即莊宗也

賞芳春暖風飄箔鶯啼綠樹輕煙籠晚閣杏桃紅開絲
萼靈和殿禁柳千行斜金絲絡夏雲多奇峰如削紈扇
動微涼輕綃薄梅雨霽火雲燦臨水檻永日逃繁暑泛
觥酌

露華濃冷高梧彫萬葉一霎晚風蟬聲新雨歇惜惜此
光陰如流水東籬菊殘時歎蕭索絲陰積歲時暮景難
留不覺朱顏失却好容光且須呼賓友西園長宵讌
雲謠歌皓齒且行樂

馮道

道字可道瀛州景城人初事劉守光為叅軍事
敗去事宦者張承業為巡官薦之晉王為掌書
記唐莊宗即位拜戶部侍郎明宗朝同中書門
下平章事歷事晉漢周卒年七十三自號長樂
老謚文懿追封瀛王詩集十卷

長樂老傳自叙略曰余先自燕之歸唐事莊宗

明宗閔帝清泰帝各事晉高祖皇帝少帝契丹據汴京為戎二王所制自鎮州與文武臣察馬步將士歸漢朝事高祖皇帝今上久叨祿位備歷艱危陷自將仕郎轉朝議郎朝散大夫朝議大夫銀青光祿大夫光祿大夫特進開封儀同三司職自幽州節度使官河東節度使巡官掌書記再為翰林學士改授瑞明殿學士集賢殿大學士太微宮使再為宏文館大學士又充諸道鹽鐵轉運使南郊天禮使明宗皇帝晉高祖皇帝山陵使再授定國軍節度司州管內觀察處置等使一為長春宮使又授武勝軍節度使鄧州均房等州管內觀察處置等使官自攝幽府叅軍試大理評事

檢校尚書同部郎中兼侍御史檢校吏部郎中兼御史中丞檢校太尉同
 中書門下平章事檢校太師兼侍中又授檢校太師兼中書令正官自行
 革中書舍人再為戶部侍郎轉兵部侍郎中書侍郎再為門下侍郎刑戶
 吏尚書右僕射左僕射三為司空兩在中書一守本官又授同後兼侍中
 賜私門十六戟又授太尉兼侍中又授戎太傅又授漢太師爵自開國男
 至開國公魯國公再封秦國公梁國公燕國公食邑自三百戶至一萬二千
 戶食寔封自一百戶至一千八百戶勳自柱國至上柱國功臣名自經邦
 致理功臣至守正崇德保邦致理功臣安時處順守義崇靜功臣崇仁
 保德寧邦翊理功臣靜思本未非人之謀是天之佑時開一卷時飲一杯
 食味別聲被色老而自樂何樂如之 北史瑣言宰相馮道形神庸陋
 一旦為丞相士人多竊笑之劉岳勳任贊偶語見道行而復顧贊曰新相
 曰顧何也岳曰定是忘持兔園冊來道之鄉人在朝者聞之告道道因授
 岳秘書監任贊授散騎常侍共中村墅多以兔園冊教蒙童以是訛之
 然兔園冊乃徐廣文體非鄙朴之談但家藏一本人多賤之也 青箱雜
 記世譏馮瀛王依阿詭隨不能死節至荆公雅愛道謂其能屈身以安人如
 佛菩薩行其所作詩雖淺近而多諷理 五代史大成長興之間歲屢豐
 熟中國無事道嘗戒明宗曰臣為河東掌書記時奉使中山過井陘之
 險懼馬蹶失不敢怠於銜轡及至平地謂無慮慮遂跌而傷凡踰名者慮
 深而獲全居安者患生於所忽此情人之常也明宗問曰天下誰豈百姓
 濟石道曰穀貴饑饉傷農因誦文士馮夷中田家詩其言近而易見

宗頤左右錄其詩常以自誦 叢祀天福三年與戎和當遣輔相為使
 趙瑩桑維翰同堂言未言以戎反西復難測咸懼于將命馮道與諸公中
 書食訖堂吏前白比使事色變手顫道索紙一幅書云道去即遣駕勅遂
 舍都亭驛不復歸家虜以道有重名命與其國相同列戎賜臣下牙笏及
 臘月賜牛頭皆為殊禮道皆得之以詩謝云牛頭偏得賜象笏更容持
 虜中大寒賜道錦袍貂裘各一每入謁惡服道檢宿館中并
 覆三衣有詩曰朝披四德專藏手夜覆三衣恒露頭及還京師作詩五
 章述此使之意首章云云 總龜瀛王性仁厚家有一池每得魚放池
 中其子盥漱每竊釣之瀛王聞之不悅於是高其墻垣鑰其門戶作詩
 書其門曰高却垣墻鎖却門監丞從此罷垂綸池中魚鱗應相賀從此
 方知有主人 續翰林志同光中承旨盧質節制河中道贈之詩略云視
 草井來唐學士擁旄西去漢將軍 玉壺清話賞禹鈞生五子儀儼臨
 俚僖等相繼登科馮瀛王贈禹鈞詩燕山寶子郎教子有義方靈椿樹老
 丹桂五枝芳時號寶氏五龍 懶真子同州澄城縣有九龍廟然只一妃
 土人云馮道女也夏縣司馬才仲題詩云身既事十主女亦妃九龍過客
 讀之皆笑 調元按五代詩中有歷事數朝者甚多俱各按其事跡於何
 朝最著者即編入其中至馮道自事五代共十君殊難位
 置今編于唐者從其朔也亦即做史家之例非敢臆斷也

天道

窮達皆由命何須發嘆聲但知行好事莫要問前程冬
去冰須泮春來草自生請君觀此理天道甚分明

偶作

莫為危時便愴神前程往往有期因須知海岳歸明主
未省乾坤陷吉人道德幾時曾去世舟車何處不通津
但教方寸無諸惡豺虎叢中也立身

北使還京作

去年今日奉皇華只為朝廷不為家殿上一杯天子泣
門前雙節國人嗟龍荒冬往時時雪兔苑春歸處處花
上下一行如骨肉幾人身死掩風沙

盧文紀

文紀字子持舉進士為集賢殿學士唐明
宗時為御史中丞遷工部尚書貶石州司馬久
之為太常卿奉使於蜀過鳳翔廢帝時為節度
使見文紀奇之後入立拜為中書侍郎同中書

門下平章事周時進司空

五代史本傳唐廢帝立卷書清
望善姓名內琉璃瓶中夜焚香咒

天以筋挾之首得文紀欣然相之晉高祖起太原廢帝北征過拜徽陵
顧文紀曰吾自鳳翔識卿不以常人為待今日使吾至此卿宜如何文
紀謝罪而已

後唐宗廟樂舞辭

仁君御宇寰海謚清運符武德道協文明九成式叙百

度惟成金門積慶玉葉傳榮

盧汝弼

汝弼登進士第以祠部員外郎知制誥從昭宗
遷洛後依太祖克用表為節度副使卒唐莊宗

時贈兵部尚書

五代史汝弼故唐時名族與盧程門第相等因共薦之莊宗即位議擇宰相而盧汝弼已死乃

以盧程為相拜命曰肩輿道從喧呼道中帝問左右對曰宰相擔子入門莊宗登樓視之笑曰所謂似是而非者也嘗謂郭崇韜曰朕悞相此癡物並思汝弼焉李襲吉傳盧汝弼代為副使封拜官爵皆出汝弼汝弼工書畫而文辭不及襲吉襲吉嘗為書諭梁太祖使人讀之至毒手尊奉交相于暮夜金戈鐵馬蹂踐于明時顏曰李公僻處一隅得士如此使吾得之傳虎以翼也顧謂從事敬翔答之而文辭亦不及云北夢瑣言汝弼嘗為張相濟出征判官傳徹四方其略云致赤子之流離自朱邪之板蕩謂人曰天生朱邪赤子供我之筆也

薄命妾

君恩已斷盡成空
追想嬌歡恨莫窮
長為薜花光曉日
誰知團扇送秋風
黃金買賦心徒切
清露飛塵信莫通
閑凭玉欄思舊事
幾回春暮泣殘紅

秋夕寓居精舍書事

葉滿苔堦杵滿城
此中多恨恨難平
疎簷看織蠹蛸網
暗隙愁聽蟋蟀聲
醉臥欲拋羈客思
夢歸偏動故鄉情
覺來獨步長廊下
半夜西風吹月明

聞雁

秋風蕭瑟靜埃氛
邊雁迎風響咽群
瀚海應嫌霜下早
湘川偏愛草初薰
蘆洲宿處依沙岸
榆塞飛時度晚雲

全五代詩

卷九

唐

五

何處最添羈客恨竹窗殘月酒醒聞

鴛鴦

雙浮雙浴傍苔磯蓼浦蘭皋繡帳幃長羨鴛鴦能潔白
不隨鴻鴈闖毛衣霞侵綠渚香衾暖樓倚青雲殿瓦飛
應笑隨陽沙漠雁洞庭烟暖又思歸

和李秀才邊庭四時怨

春風昨夜到榆關故國烟花想已殘少婦不知歸不得
朝朝應上望夫山
盧龍塞外草初肥雁乳平蕪曉不飛鄉國近來音信斷
至今猶自著寒衣

八月霜飛柳半黃蓬根吹斷南翔隴頭流水關小月

泣上龍堆望故鄉

朔風吹雪透刀瘢飲馬長城窟更寒半夜火來知有敵
一時齊保賀蘭山

趙延壽

延壽本姓劉恒山人仕後唐尚主為樞密使清

泰末官至大丞相封魏王

五代史李崧傳契丹入雁門明宗
宗遷將議久不決延壽欲以康

義誠應選李崧獨薦為石塘敬德之遣人謂崧曰為浮屠者必合
其尖蓋欲使終始成已事也後崧事晉又建議與契丹和親學士薛文
遇大以為非因誦成是社稷依明主安危託
婦人之詩以誚之帝怒崧惶恐拜無算得罪

塞上

全五代詩 卷九
黃沙風捲半空拋雲動陰山雪滿郊探水人回移帳就
射鷗箭落著弓抄鳥逢霜果饑還啄馬渡水河渴自跑
占得高原肥草地夜深生火折林梢

崔居儉

居儉唐末進士仕後唐累官戶部尚書

五代史劉昫傳居儉以祖

諱彞為太常卿不肯充禮儀使收秘書監遂快失職中書舍人李祥為居儉誥詞有聞名心懼之語劉昫輒易曰有耻且格居儉訴曰名諱有令式予何罪也聞者皆傳以為笑

後唐宗廟樂舞辭

艱難王業返正皇唐先天再世却日重光漢紹世祖夏
資少康功成德茂率祀無疆

熊 璪

璪後唐清泰二年登進士第延州劉景巖辟為

從事晉終商州上津令有屠龍集

東觀餘論劉夢得言八音與政通文

章與時高下昔人是之五季道衰文喪當時操筆牘大率皆哇俚淺下亂雜無章其簡能遠不忘君志在憂國文雖膚近而忠誠可取若璪者蓋鮮儼也余讀其二回音書絕二十篇及晉末感興諸詩而悲之蘇君又出當時集稿示余雖不脫爾日風範亦時有佳語自可傳後無疑

祖龍詞

平吞六國更何求童女童男問十洲滄海不回應悵望
始知徐福解風流

謫居海上

家臨涇水隔秦川來往關河路八千堪恨此身何處老

始皇橋畔又經年

熊皎

皎皦弟自稱九華小人有南金集

雅言雜載九華山人熊皎能詩早行云山

前猶見月陌上未逢人山居云果熟秋先落禽寒夜未棲間居云深逢野草皆為藥靜見樵人恐是仙又云厭聽啼鳥夢醒後慵掃落花春盡時 事文類聚皎有句云廢土有人耕不畏古廳無訟醉何妨

早梅

江南近臘時已亞雪中枝一夜欲開盡百花猶未知人情皆共惜天意欲教遲莫訝無濃豔芳筵正好吹

冬日原居酬光上人見訪

吾道喪已久吾師何此來門無塵事閉卷有國風開野

迴霜先白庭荒葉自堆寒暄吟罷後猶喜話天台

早行

結束何妨早將行四顧頻山前猶見月陌上未逢人遠樹動宿鳥危橋怯病身漸明恆自慰應免復迷津

湘江曉望

笙歌歡罷散離筵水色朦朧蘸宿烟山響踈鐘何處寺火光收釣下灘船微雲過島侵明月古岸平江浸遠天歸夢已闌風色動孤帆仍要住無緣

遊嵩山

獨背焦桐訪洞天暫攀靈迹棄塵緣深逢野草皆疑藥

靜見樵人恐是仙翠木入雲空自老古碑橫水莫知年
可憐幽景堪長往一任人間歲月遷

九華望廬山

九江山勢盡崢嶸惟有匡廬最得名萬疊影遮殘雪在
數峯嵐帶夕陽明冷侵醉榻鋪秋色高亞吟龍送水聲
只待丹霄酬志了白雲深處是歸程

道傍松

偃蓋當衢莫記年獨含蒼翠鶴應憐垂陰獨向笙歌地
有韻自成風雨天塵□路岐分夜月燒侵根脚起殘烟
論功只合行人賞銷得煩蒸古道邊

月中桂

斷破重輪種者誰銀蟾何事便相隨莫言望夜無攀處
却是吟人有得時孤影不凋清露滴異香常在好風吹
幾回目斷雲霄外未必姮娥惜一枝

懷三茅道友

塵事何年解客嘲十年容易到三茅長思碧洞雲窗下
曾借黃庭雪夜抄丹桂有心憑至論五峰無信問深交
杏壇仙侶應相笑只為浮名未肯拋

贈胥尊師

綠髮童顏羽服輕天台玉屋幾經行雲程去速因風起

酒債還遲待藥成
房閉十洲煙浪潤
籙開三洞鬼神驚
他年華表重歸日
却恐桑田已變更

盧士衡

士衡後唐天成二年進士

靈溪老松歌

靈溪古觀壇西角
千尺鱗皴棟梁樸
橫出一枝曼樓閣
直上一枝掃寥廓
白石蒼苔擁根脚
月明風撼寒光落
有時風雨晦暝擺
撼若黑龍之騰躍
合生於象外峯巒
枉滯乎人間山岳
安得巨靈受請託
拔向青挂白榆邊
安著

再遊紫陽洞重題小松

仙家種此充朝食
葉葉枝枝造化力
去年見時似鶴高
今年蕭騷八九尺
不同矮檜終委地
定向晴空倚天碧
好期逸士統貞根
昂枝點破秋苔色
尋思凡眼重花開
寧知此木超塵埃
祇是十年五年間
堪作大厦之宏材

松

雲外千尋好性靈
伴杉陪柏事孤貞
招呼暑氣終無分
應和涼風別有聲
細雨灑時花旋落
道人食處葉重生
如逢郢匠垂搜採
為棟為梁力不輕

遊靈溪觀

全五代詩

卷九

唐

十

雲藏寶殿風塵外粉壁松軒入看初話久仙童顏色老
病來元鶴羽毛踈樵夫接引尋紅朮道士留連說紫書
不為壯心降未得便堪從此翫清虛

寄天台道友

相思遙指玉霄峰悵望江山阻萬重曾隔曉窗聞法鼓
幾同寒榻聽疎鐘別來知子長餐栢吟處將誰對倚松
且任人間行聖教莫思天路便登龍

花落

迎風嘯未已和雨落穀穀千枝與萬枝不如一竿竹

鍾陵鐵柱

千年埋沒竟何為變化宜將萬物齊安得風湖借方便
鑄成神劍斬鯨鯢

僧房聽雨

古寺松軒雨聲別寒窗聽久詩魔發記得年前在赤城
石樓夢覺三更雪

題牡丹

萬葉紅綃剪盡春丹青任寫不如真風光九十無多日
難惜尊前折贈人

于鄴

鄴武陵人唐末進士唐明宗時官工部郎中

詩話

後唐明宗時工部尚書盧文紀與宰相崔協有隙協除鄴工部郎中文紀以鄴與其父嗣業名同音鄴赴參文紀不見鄴因醉忿自經死文紀坐

秋夕聞雁

星漢欲沈盡誰家砧未休忽聞涼雁至如報杜陵秋千
樹又黃葉幾人新白頭洞庭今夜客一半却登舟

歲暮還家

東西流不駐白日與車輪殘雪半成水微風應欲春幾
經他國歲已減故鄉人回首長安道十年空苦辛

褒中即事

風吹殘雨歇雲去有烟霞南浦足遊女綠蘋應發花

鐘當半夜明月入千家不作故鄉夢始知京洛賒

塗中作

西南千里程處處有車聲若使地無利始應人不營天
涯猶馬到石跡尚塵生如此未曾息蜀山終冀平

題華山麻處士所居

貴賤各擾擾皆逢朝市間到此無馬跡始知君獨閑冰
破聽敷水雪晴看華山西風寂寥地唯我坐忘還

天南懷故人

獨行千里塵軋軋轉征輪一別已多日總看成老人洞
庭雪不下故國草應春三月烟波暖南風生綠蘋

路傍草

春至始青青香車碾已平不知山下處來向路傍生每
歲有人在何時無馬行應隨塵與土吹滿洛陽城

書情

負郭有田在年年長廢耕欲磨秋鏡淨忍見白頭生未
作一旬別已過千里程不知書與劍十載兩無成

感懷

東風吹草色空使客蹉跎不設太平險更應游子多幾
傷行處淚一曲醉中歌盡向青門外東隨渭水波

遊中梁山

僻地好泉石何人曾陸沈不知青嶂外更有白雲深因
此見喬木幾回思舊林殷勤後與鳥唯我獨何心

尋山

到此絕車輪萋萋草樹春青山如有利白石亦成塵水
澗應無路松深不見人如知巢與許千載迹猶新

宿江口

南渡人來絕喧喧雁滿沙自生江上月長有客思家半
夜下霜岸北風吹荻花自驚歸夢斷不得到天涯

斜谷道

亂峯連疊嶂千里綠峨峨蜀國路如此遊人車亦過遠

烟當驛斂驟雨逐風多獨憶紫芝叟臨風歌舊歌

過百牢關貽舟中者

蜀國少平地方思京洛間遠為千里客來度百牢關帆影清江水鈴聲碧草山不因名與利爾我各應閑

客中覽鏡

何當開此鏡即見髮如絲白日急於水少年能幾時每逢芳草處長返故園遲所以多為客蹉跎欲怨誰

長安逢隱者

征車千里至碾遍六街塵向此有營地忽逢無事人昔時顏未改浮世路多新且脫衣沽酒終南山欲春

贈王道士

日日市朝路何時無苦辛不隨丹竈客終作白頭人浮世度千載桃源方一春歸來華表上應笑北邙塵

友人亭松

俛仰不能去如逢舊友同曾因春雪散見在華山中何處有明月訪君聽遠風相將歸未得各占石巖東

過洛陽城

古來利與名俱在洛陽城九陌鼓初起萬車輪已行周秦時幾變伊洛水猶清二月中橋路鳥啼春草生

客中月

離家凡幾宵一望一寥寥新魄又將滿故鄉應漸遙獨
臨彭蠡水遠憶洛陽橋更有乘舟客悽然亦駐橈

友人南遊不回因而有寄

相思春樹綠千里亦依依鄴社月頻滿瀟湘人未歸桂
花風半落煙草蝶雙飛一別無消息水南車跡稀

長信宮

簾涼秋氣初長信恨何如拂黛月生指解鬟雲滿梳一
從悲畫扇幾度泣前魚坐聽南宮樂涼風搖翠裾
一失輦前恩綺羅生暗塵惟應深夜月獨伴向隅人長
信翠蛾老昭陽紅粉新君心似秋節不使草長春

東門路

東門車馬路此路在浮沈白日若不落紅塵應更深從
來名利地皆起是非心所以青青草年年生漢陰

南遊

窮秋幾日雨處處生蒼苔舊國寄書後涼天方雁來露
繁山草濕洲暖水花開去盡同行客一帆猶未回

夜泊湘江

北風吹楚樹此地獨先秋何事屈原恨不隨湘水流涼
天生片月竟夕伴孤舟一作南行客無成空白頭

夜尋僧不遇

數歇度烟水漸非塵俗間
泉聲入秋寺月色遍寒山
石路幾回雪竹房猶閉關
不知雙樹客何處與雲閑

贈王隱者山居

石室掃無塵人寰與此分
飛來南浦樹半是華山雲
浮世幾多事先生應不聞
寒山滿西日空照雁成群

寄北客

窮邊足風慘何處醉樓臺
家去幾千里月圓十二回
寒阡隨日遠雪路向城開
遊子久無信年年空雁來

夜與故人別

白日去難駐故人非舊容
今宵一別後何處更相逢
過

楚水千里到秦山幾重語來天
又晚月落滿城鐘

過侯王故第

過此一酸辛行人淚有痕
獨殘新碧樹猶擁舊朱門
歌歇雲初散簷空燕尚存
不知彈鋏客何處感新恩

孤雲

南北各萬里有雲心更閑
因風離海上伴月到人間
洛浦少高樹長安無舊山
裴回不可駐漠漠又空還

遠水

悔作望南浦望中生遠愁
因知人易老為有水東流
欵附故鄉信不逢歸客舟
萋萋兩岸草又度一年秋

感情

青山長寂寞南望獨高歌四海故人盡九原新壠多西
沈浮世日東注逝川波不使年華駐此生能幾何

洛中有懷

潺潺伊洛河寂寞少恩波鑿駕久不幸洛陽春草多

送魏山韋處士

陰陰亭際間相顧慘離顏一片雲飛去嵯峨空魏山

長信宮

莫問古宮名古宮空有城惟應東去水不改舊時聲

高樓

遠天明月出照此誰家樓上有羅衣裳涼風吹不休

高輦

輦後唐秦王從榮府諮議叅軍

五代史輦後秦王最厚後王敗馮道欲殺弟原

減朱宏昭爭以為不可於是論高輦死

碁

野客圍棋坐措頤向暮秋不言如守默設計似平雙言決
勝雖關勇防危亦合憂看他終日局白却少年頭

韓昭裔

昭裔後唐清泰時同中書門下平章事

五代詩話時清泰帝

以宰相李馬等無所事目曰此粥飯僧爾故昭裔詩云云

與李專美

昭裔登庸汝未登鳳池鷄樹冷如水何如且作宣徽使
免被人呼粥飯僧

張仁溥

仁溥後唐大寧縣丞

題龍窩洞

折花攜酒看龍窩鏤玉長旌俊彥過他日各為雲外客
碧紗籠却又如何

楊凝式

凝式字景度宰相涉之子昭宗朝登進士第仕

後唐後官至太子太保歷事至晉漢周卒

蔡觀天詩話疑

式仕後唐以後在晉漢間落魄不自檢自號楊風子終能以智自完書法高妙傑出五代可與顏柳繼軌今洛中僧寺尚多遺跡題華嚴院一詩云院似禪心靜花如覺性圓自然知了義爭肯學神仙用筆尤奔放奇逸李西臺建中平生師凝式書題詩於旁曰枯杉倒檜霜天老松烟麝煤陰雨寒我亦生來有書癖一回入寺一回看西臺書亦自深穩老健前輩所貴重也 玉堂嘉話曰楊凝式小字詩字虛白五代時人號希維居士又曰閬中老人 游宦紀聞凝式詩什多雜以叢詩少從張全義辟故作詩紀全義之德云洛陽風景實堪哀昔日曾為天子堆不是我公重葺理至今猶自一堆灰石晉時張從恩尹洛凝式自汴還時飛隄蔽日凝式以詩寄從恩云柳引蛭虫到洛京何消郡守遠相迎從恩弗怪也然凝式詩句自佳有院似禪心靜花如覺性圓清句也 全唐詩凝式有雪晴詩云春來冰未泮冬至雪初晴為報方居士豐年瑞已成

題懷素酒狂帖後

十年揮素學臨池始識王公學衛非草聖未須因酒發
筆端應解化龍飛

馮吉

吉字少吉馮道之子宮至少卿

玉壺清話吉浮薄無檢善琵琶妙音出樂府世

無及者父酷戒之畧不少俊一日家宴欲辱之處賤伶之列眾執器立于庭奏數曲罷例以纏頭纏隨眾伶給之吉置纏于左肩抱琵琶按膝長跪厲聲呼謝而退家人大笑於筵回首謂父曰能為吉進此技于天子否凡宿儻飲聚長為不速酒酣即彈彈罷起舞舞罷作詩昂然而去自謂曰馮三絕洛陽舊聞楊少卿式既不大有伴狂自穢游寺觀遇水竹幽勝之地吟咏忘歸牆壁之上筆跡殆徧馮道子少卿吉題云

題楊少卿凝式書跡

少卿真跡滿僧居祇恐鍾王也不如為報遠公須愛惜
此書書後更無書

唐朝美

朝美莊宗時伶人

咏橘

清真錄莊宗小酌進朝美詩先成云帝

新橘命諸伶咏之唐大笑賜所御軟金杯

金香大丞相兄弟八九人剝皮去滓子若箇是汝身

全五代詩卷十

羅江李調元雨村編

唐

唐彦謙

彦謙字茂業晉陽人累官刺史有鹿門集

全唐詩話

昔公儉之後博學多藝文詞壯麗詩畫音樂博飲之技無不出於流輩咸通末應進士負才無所屈降十餘年不第乾符末避亂漢南中和中河中王重榮辟為從事累表為副歷晉絳二州刺史後重榮與田令孜有隙以王處存代鎮命李克用護之克用反以兵助重榮討田令孜與朱全忠重榮軍亂敗漢中掾曹真即度楊守亮復署為判官累表為副歷閬州三州刺史彦謙詩尤工七言少師溫庭筠故體格類之自號鹿門先生宋楊文公嗜其集手書自隨嘗謂其得義山清峭感愴之一體杜夢瑣言恭王巨川有筆迹歷舉不第先以仕偽襄王與唐彦謙俱賦於南山褒帥楊守亮優待之淮南失守隨致士楊軍容復恭與守亮同奔北投太原專行者引出華州復恭為韓建挫辱楊罵為奴以短褐蒙之斃於枯木守亮檻送至京斬於獨柳樹京城百姓

莫不沾涕李克用為申訴冤此即南山一丈黑本姓嘗黃巢時多救護導引
朝士公趨行在人有逃黃巢而投附資濟之由是人多感激也 紀事彥謙
即陶穀之祖穀避晉祖嫌名改姓子孫遂不易彥謙有奉使岐下聞唐
宏夫行軍為賊所擒傷而有作云散卒半隨素校尉寡妻休問辟司徒最二

感物

駮驥初失群亦自矜趨騰俛仰歲時久帖然困蚊蠅蒙
鯨逸其穴尺水成滄溟豈無魚鼈交望望為所憎物理
有翁張達人同廢興幸無怵迫憂聊復曲吾肱

魚目出泥沙空村百金珍豫章值擁輦細細供蒸薪論
材何必多適用即能神託交何必深寡求永相親鮑叔
拙羈魯張生窮厄陳茫然扳援際豈意出風塵

和陶淵明貧士詩

貧賤如故舊少壯即相依中心不敢厭但覺少光輝向
來乘時士亦相能奮飛一朝權勢歇欲退無所歸不如
行其素辛苦柰寒飢人生繫天運何用發深悲

我居在窮巷來往無華軒辛勤衣食物出此二畝園薤
菘鬱朝露桑柘浮春烟以茲亂心曲智計無他奸擇勝
不在奢興至發清言相逢樵牧徒混混誰愚賢

松風四山來清宵響瑤琴聽之不能寐中有怨歎音且
起繞其樹硯硯不計尋清陰可敷席有酒誰與斟由來
大度士不受流俗侵浩歌相倡荅慰此霜雪心

中年涉事熟欲學唾面婁遂巡避少年赴穢不敢酬旁

人吁已甚自喜計慮周微勞消厚疾殘辱勝深憂從知
為下安處上反無儔人生各有志勇懦從所求
村郊多父老面垢頭如蓬我嘗使之年言語不待工古
來名節士敢望彭城龔有叟詢其後更恨道不同鄙哉
諛諛者為隘不為通低頭拜野老負米吾願從

舟中望紫巖

近山如畫牆遠山如帚長我從雲中來回頭白茫茫惜
去乃爾覺常時自相忘相忘豈不佳遣此懷春傷飄灑
從何來衣巾濕微涼初疑風雨集冉冉遊塵黃無歸亦
自可信美非吾鄉登舟望東雲猶向帆端翔

九日遊中溪

悠悠循澗行磊磊據石坐林垂短長雲山綴丹碧顆蓼
花最無數照水嬌婀娜何知是節序風日自清妥群童
競時新萬果間蔬蔬欣然為之醉烏帽危不隕此日山
中懷孟公不如我

六月十三日上陳微博士

窮居無公憂私此長夏日蚊蠅如俗子正爾相妒嫉麾
驅非吾任遁避亦無術惟當俟其定靜坐萬慮一

宿田家

落日下遙峯荒村倦行履停車息茅店安寢正鼾睡忽

聞扣門急云是下鄉隸公文捧花押鷹隼駕聲勢良民
懼官府聽之肝膽碎阿母出塘塞老脚走顛躓 小心
事延款倉餘糧復置東隣借種雞西舍覓芳醕再飯不
厭飽一飲直呼醉明朝怯見官苦苦燈前跪使我不成
眠為渠滴清淚民膏日已瘠民力日愈弊空懷伊尹心
何補堯舜治

夏日訪友

堤樹生晝涼濃陰撲空翠孤舟喚野渡村童入幽邃高
軒俯清流一犬隔花吠童子立門牆問我向何處主人
聞故舊出迎時倒屣驚迂叙間闊屈指越寒暑殷勤為

延款偶爾得良會春盤擘紫蝦冰鯉斫銀膾荷梗白玉
香苻菜青絲脆臘酒擊泥封羅列總新味移席臨湖濱
對此有佳趣流連送深杯賓主共忘醉清風岸鳥紗長
揖謝君去事事如浮雲東西渺煙水

遊南明山

久聞南明山共慕南明寺幾度欲登臨日逐擾人事于
焉偶閑暇鳴轡忽相聚乘興樂遨遊聊此托佳趣涉水
渡溪南迢遙翠微裏石磴千疊斜峭壁半空起白雲鎖
峰腰紅葉暗溪嘴長藤絡虛巖疎花映寒水金銀拱梵
刹丹青照廓宇石梁臥秋溟風鈴作簷語深洞結苔陰

嵐氣滴晴雨羊腸轉咫尺鳥道轉千里屈曲到禪房上
人喜延竚香分宿火薰茶汲清泉煮投閑息萬機三生
有宿契行厨出盤飧擔甕倒芳醕脫冠挂長松白石藉
憑倚宦途勞營營暫此絛塵慮闔令促傳觴投壺更聯
句興來較勝負醉後忘爾汝忽聞吼蒲牢落日下雲嶼
長嘯出烟蘿揚鞭賦歸去

索蝦

姑熟多紫蝦獨有湖陽優出產在四時極美宜於秋雙
箱鼓繁鬚當頂抽長矛勦躬見湯王封作朱衣侯所以
供盤餐羅列同珍羞蒜友日相親瓜朋時與儔既名釣

詩釣又作鉤詩鉤于時同相訪數日承款留厭飲多美
味獨此心相投別來歲云久馳想空悠悠銜杯動遐思
唆口涎空流封緘托雙鯉于焉來遠求慷慨胡隱君果
肯分惠否

採桑女

春風吹蠶細如蟻桑芽纔努青鴉嘴侵晨採采誰家女
手挽長條淚如雨去歲初眠當此時今歲春寒葉放遲
愁聽門外催里胥官家二月收新絲

詠葡萄

西園晚霽浮嫩涼開尊漫摘葡萄嘗滿架高撐紫絡索

一枝斜聯金琅璫天風颼颼葉栩栩蝴蝶聲乾作晴雨
神蛟清夜蟄寒潭萬片濕雲飛不起石家美人金谷遊
羅幃翠幕珊瑚鉤玉盤新薦入華屋珠帳高懸夜不收
勝遊記得當年景清氣逼人毛骨冷笑呼明鏡上遙天
醉倚銀牀弄秋影

蠃

湖田十月清霜墮晚稻初香蟹如虎扳罾拖網取賽多
篋簍挑將水邊貨縱橫連爪一尺長秀凝鐵色含湖光
蚶蜆石蟹已曾食使我一見驚非常買之最厭黃髯老
償價十錢尚嫌少漫誇羊味過蝟蚌尖臍猶勝團臍好

充盤煮熟堆琳琅橙膏醬滌調堪嘗一斗擘開紅玉滿
雙螯啖出瓊酥香岸頭沽得泥封酒細嚼頻斟弗停手
西風張翰苦思鱸如斯丰味能知否物之可愛尤可憎
嘗聞取刺於青蠅無腸公子固稱美弗使當道禁橫行

送許戶曹

沙頭小燕鳴春和楊柳垂絲烟倒拖將軍樓船發浩歌
雲檣高插天嵯峨白虹走香傾翠壺勸飲花前金叵羅
神鰲駕粟升天河新承雨澤浮恩波

叙別

譙樓夜促蓮花漏樹陰搖月蛟螭走蟠拏對月吸深杯

月府清虛玉兔吼翠盤
擘脯膳脂香碧碗敲冰分蔗漿
十載番思舊時事好懷不似當年狂
夜合花香開小院坐愛涼風吹醉面
酒中彈劍發清歌白髮年來為愁變

梅亭

東海窮詩客西風古驛亭
髮從殘歲白山入故鄉青世
事徒三窟兕曹且一經
丁寧速賒酒煮栗試砂瓶

歲除

索索風搜客沈沈雨洗年
殘林生獵跡歸鳥避窰烟節
物杯漿外溪頭鬢影前行藏
都未定筆硯或能捐

聞應德茂先離棠溪

落日蘆花雨行人穀樹村
青山時問路紅葉自知門
首看窮詩味芭蕉醉墨痕
端知棄城市經席許頻溫

夜坐

愁鬢丁年白寒燈丙夜青
不眠驚戍鼓久客厭郵鈴
洶城噴海踈踈屋漏星
十年窮父子相守慰飄零

弔方千處士

不比他人死何詩可挽君
淵明元懶仕東野別攻文
滄海諸公淚青山處士墳
相看莫浪與私謚有前聞

題證道寺

彎環青徑斜自是野僧家
滿澗洗巖液插天排石牙
爐

寒餘栢子架靜落藤花記得逃兵日門多貴客車

宿獨畱

日晚宿留城人家半掩門群鴉棲老樹一犬吠荒村爭
買魚添價新芻酒帶渾船頭對新月誰與共清論

客中感懷

客路三千里西風兩鬢塵會名笑吳起說國歎蘇秦託
興非耽酒思家宜為尊可憐今夜月獨照異鄉人

過三山寺

三山江上寺宮殿望蒼莖石徑侵高樹沙灘半種苗一
僧歸晚日群鷺宿寒潮遙聽風鈴語興亡話六朝

望夫石

江上見危磯人形立翠微妾來終日望夫去幾時歸明
月空懸鏡蒼苔漫補衣可憐雙淚眼千古斷斜暉

過湖口

江湖分兩路此地是通津雪淨山浮翠風高浪潑銀人
行俱是客舟住即為隣俯仰煙波內蜉蝣寄此身

登廬山

五老峯巔望天涯在目前湘潭浮夜雨巴蜀暝寒烟泰
華根同時嵩衡脈共聯憑虛有仙骨日月看推遷

送樊瑄司業歸朝

全五代詩

卷十

唐

八

近者蘇司業文雄道最光夫君居太學妙譽繼中行汲
郡陵初發汾陰篋久已寂寥方倚席容易忽升堂去日
應懸榻來時定裂裳愜心頻拾芥應手屢穿揚辯急如
無敵飛騰固自強論心期舌在問事畏頭長駟馬終題
柱諸生悉面牆啗螯譏爾雅賣餅訴公羊三國志注魏嚴幹善
春秋公羊鍾繇好左
氏謂公羊
為賣餅家未見泥函谷俄驚火建章烟塵昏象魏行在隔
巴梁紅粟填郿塢青袍過壽陽剪茅行殿濕伐栢舊陵
香鬢室青衿盡渠門火旆揚雲飛同去國星散各殊方
賤子悲窮轍當年亦擅場齏辛尋幼婦醴酒憶先王聖
域探姬孔皇風樂禹湯畏誅輕李喜言命小減倉折樹

休盤梨沈鉤且釣璜鴻都問詞客他日莫相忘

移莎

移從杜城曲置在小齋東正是高秋裏仍兼細雨中結
根方迸竹疎蔭託高桐苒苒齊芳草飄飄笑斷蓬片時
留靜者一夜響鳴蛩野露通宵滴溪烟盡日蒙試才卑
庾薤求味笑周菘只此霜栽好他時贈伯翁

紅葉

無處不飄揚高樓臨道旁素娥前夕月青女夜來霜宿
雨隨時潤秋晴著物光幽懷長若此病眼更相妨蜀紙
裁深色燕脂落靚粧低叢侵小閣倒影入迴塘謝眺留

霞綺甘寧棄錦張何人休遠道是處有斜陽薛荔垂書
幌梧桐墜井牀晚風生旅館寒籟近僧房桂綠明淮甸
楓丹照楚鄉鴈踈臨鄴杜蟬急傍瀟湘樹異桓宣武園
非顧辟疆茂陵愁臥客不自保危腸

春雨

綺陌夜來雨春樓寒望迷遠容迎燕戲亂響隔鶯啼有
恨開蘭室無言對李蹊花欹渾拂檻柳重欹垂堤燈檠
昏魚目薰爐咽麝臍別輕天北鶴夢怯汝南雞人戶侵
羅幌梢簷潤繡題新豐樹已失長信草初齊亂蝶寒猶
舞驚鳥暝不栖庾郎盤馬地却怕有春泥

漢代

漢代金為屋吳宮綺作寮豔詞傳靜婉新曲定妖嬈箭
響猶殘夢籤聲報早朝鮮明臨曉日迴轉度春宵半袖
籠清鏡前絲厭翠翹靜多如有待閑極似無慘梓澤花
猶滿靈和柳未凋障昏巫峽雨屏掩浙江潮未信潘名
岳應疑史姓蕭漏因歌暫斷燈為雨頻挑飲酒聞三雅
投壺賽百嬌鈿蟬新翅重金鴨舊香焦水淨疑澄練霞
孤欲建標別隨秦柱促愁為蜀弦么元宴難瘳痺臨叩
但發瘖聯詩微弱絮思友詠甘蕉王氏憐諸謝周郎定
小喬黼幃翹綵雉波扇畫文鯨苻密妨垂釣荷欹欲度

橋不因衣帶水誰覺路迢迢

遊陽明洞呈王理得諸君

禹穴蒼茫不可探人傳靈爇鎖煙嵐
初晴鶴點青邊嶂欲雨龍移黑處潭
北斗齋壇天寂寂東風仙洞草氤氳
堪憐尹叟非閔吏猶向江南逐老聃

新豐

沛中歌舞百餘人帝業功成里巷新
半夜素靈先哭楚一星遺火下燒秦
貔貅掃盡無三戶鷄犬歸來識四隣
惆悵故園前事遠曉風長路起埃塵

拜越公墓因遊定水寺有懷源老

越公已作飛仙去猶得潭潭好墓田
老樹背風深拓地野雲依海細分天
青峰曉接鳴鐘寺玉井秋澄試茗泉
我與源公舊相識遺言瀟灑有人傳

晚秋遊中溪

淡竹岡前沙鴈飛小花尖下柘丸肥
山雲不卷雨自薄天氣欲寒人正歸
招伴祇須新稻酒臨風猶有舊苔磯
故人舊業依稀在怪石老松今是非

寄陳少府蕪簡叔高

懷人路絕雲歸海避俗門深草蔽邱
萬事漸消閑客夢一年虛白少年頭
山螢啼緩從除架淮鴈來多莫上樓

全五代詩

卷十

唐

十一

近日隣家有新釀每逢詩伴得淹留

第三溪

日晏霜濃十二月林疎石瘦第三溪雲沙有徑縈寒燒
松屋無人聞畫鷄幾聚衣冠埋作土當年歌舞醉如泥
早知涉世真成夢不棄山田春雨犁

蒲津河亭

宿雨清秋霽景激廣亭高樹向晨興煙橫博望乘槎水
日上文王避雨陵孤棹夷猶期獨往曲闌愁絕每長憑
思鄉懷古多傷別况此哀吟意不勝

毘陵道中

百年只有百清明狼狽今年又避兵煙火誰開寒食禁
簪裾那復麗人行禾麻地廢生邊氣草木春寒起戰聲
渺渺飛鴻天斷處古來還是闔閭城

過浩然先生墓

人間萬卷龐眉老眼見堂堂入草萊行客須當下馬過
故交誰復裹雞來山花不語如聽講溪水無情自薦衰
猶勝黃金買碑碣百年名字已煙埃

贈孟德茂

江海悠悠雪欲飛抱書空出又空歸沙頭人滿鷗應笑
船上酒香魚正肥塵土竟成誰計是山林又悔一年非

平生萬卷應夫子兩世功名窮布衣

秋霽豐德寺與元貞師詠月

露冷風輕霽魄圓高樓更在碧山巔
四溟水合疑無地八月槎通好上天
黯黯星辰環紫極喧喧朝市匝青煙
夜深獨與巖僧語羣動消聲舉世眠

長陵

長安高闕此安劉祔葬纍纍盡列侯
豐上舊居無故里沛中原廟對荒邱
耳聞明主提三尺眼見愚民盜一坏
千載腐儒騎瘦馬渭城斜月重回頭

金陵九日

野菊西風滿路香雨花臺上集壺觴
九重天近瞻鍾阜五色雲中望建章
綠酒莫辭今日醉黃金難買少年狂
清歌驚起南飛鴈散作秋聲送夕陽

遊清涼寺

白雲紅樹路紆縈古殿長廊次第行
南望水連桃葉渡北來山枕石頭城
一塵不到心源淨萬有俱空眼界清
竹院逢僧舊曾識旋披禪衲為相迎

高平九日

雲淨南山紫翠浮憑陵絕頂望悠悠
偶逢佳節牽詩興漫把芳尊遣客愁
霜染鴉楓迎日醉寒衝溼水帶冰流

烏紗頻岸西風裏笑插黃花滿鬢秋

興元沈氏莊

清淺縈紆一水間竹岡藤樹小躋攀露沾荒草行人過
月上高林宿鳥還江遠武侯籌筆地雨昏張載勒銘山
異鄉一笑因酣醉忘却愁來鬢髮斑

寄懷

有客傷春復怨離夕陽亭畔草青時淚隨紅蠟無由制
腸比朱弦恐更危梅向好風惟是笑柳因微雨不勝垂
雙溪未去饒歸夢夜夜孤眠枕獨欹

東韋曲野思

淡霧輕雲匝四垂綠塘秋望獨顰眉野蓮墮水無人見
寒鷺窺魚共影知九陌要津勞目擊五湖閑夢誘心期
孤燈夜夜愁欹枕一覺滄洲似昔時

鴻臚

一宿南塘煙雨時好風搖動綠波微驚離曉岸衝花去
暖下春汀照影飛華屋撚弦彈鼓舞綺窗含筆澹毛衣
畫屏見後長迴首爭得雕籠莫放歸

螢

日下蕪城莽蒼中濕螢撩亂起衰叢寒烟陳后長門閉
夜雨隋家舊苑空星散欲陵前檻月影低如試北窗風

全唐詩 卷一
羈人此夕方愁緒心似寒灰首似蓬

夜蟬

翠竹高梧夾後溪勁風危露雨淒淒那知北牖殘燈暗
又送西樓片月低清夜更長應未已遠烟尋斷莫頻嘶
羈人此夕如三歲不整寒衾待曙雞

七夕

露白風清夜向晨小星垂佩月埋輪絳河浪淺休相隔
滄海波深尚作塵天外鳳皇何寂寞世間烏鵲漫辛勤
倚闌殿北斜樓上多少通宵不寐人

中秋夜玩月

一夜高樓萬景奇碧天無際水無涯只留皎月當層漢
並送浮雲出四維霧靜不容元豹隱水生惟恐夏蟲疑
坐來離思憂將曉爭得嫦娥仔細知

牡丹

真宰多情巧思新固將能事送殘春為雲為雨徒虛語
傾國傾城不在人開日綺霞應失色落時青帝合傷神
嫦娥婺女曾相送留下鷓鴣作藥塵

離鸞

聞道離鸞思故鄉也知情願嫁王昌塵埃一別揚朱路
風月三年宋玉牆下疾不成雙點淚斷多難到九迴腸

庭前佳樹名梳子試結同心寄謝娘

柳

春思春愁一萬枝遠村遙岸寄相思西園有雨和苔長
南內無人拂檻垂遊客寂寥緘遠恨暮鶯啼叫惜芳時
晚來飛絮如霜鬢恐為多情管別離

湘妃廟

劉表荒碑斷水濱廟前幽草閉殘春已將愁淚留班竹
又感悲風入白蘋八族未來誰止拱四凶猶在莫南巡
九峰相似堪疑處望見蒼梧不見人

葡萄

金谷風露涼綠珠醉初醒珠帳夜不收月明隨清影

春草

隨夢入池塘無心在金谷春風自年年吹遍天涯綠

文惠宮人

認得前家令宮人淚滿裾不知梁佐命全是沈尚書

春日偶成

箏箏簫管和琵琶興滿金尊酒量賒歌舞留春春似海
美人顏色正如花

詠馬二首

紫雲團影電飛瞳駿骨龍媒自不同騎過玉樓金轡響

全五作言
卷一
一聲嘶斷落花風

詠竹

醉臥涼陰沁骨清
石牀冰簟夢難成
月明午夜生虛籟
悞聽風聲是雨聲

無題

錦箏銀甲響鷓弦
勾引春聲上綺筵
醉倚闌干花下月
犀梳斜亸鬢雲邊

漏滴銅龍夜已深
柳梢斜月弄疎陰
滿園芳草年年恨
剔盡燈花夜夜心

夜合庭前花正開
輕羅小扇為誰裁
多情驚起雙蝴蝶

飛入巫山夢裏來

垂柳

絆惹春風別有情
世間誰敢闖輕盈
楚王江畔無端種
餓損纖腰學不成

曲江春望

杏豔桃光奪晚霞
樂遊無廟有年華
漢朝冠蓋皆陵墓
十里宜春漢苑花

羅江驛

數枝高柳帶鳴鴉
一樹山榴自落花
已是向來多淚眼
短亭回首在天涯

仲山

千載遺蹤寄薜蘿沛中鄉里舊山河長陵亦是閑邱隴
異日誰知與仲多

克復後登安國寺閣

千門萬戶鞠蒿萊斷燼遺垣一望迷惆悵建章鴛瓦盡
夜來空見玉繩低

長溪秋望

柳短莎長溪水流雨微烟暝立溪頭寒鴉閃閃前山去
杜曲黃昏獨自愁

韋曲

欲寫愁腸愧不才多情練漉已低摧窮郊二月初離別
獨傍寒村嗅野梅

李贇華

贇華遼太祖長子名倍小字突欲聰敏好學嘗
市書萬卷藏醫巫閭絕頂之望海堂能詩畫蕙
精技術奔唐明宗賜姓名後為廢帝所害

夫人夏氏最承恩寵後嫁契丹突欲名李贇華所謂東丹王即阿保機
長子先歸朝後除滑州節度使性酷毒侍婢微過即以刀割火灼夏氏
少長宮掖不忍其允求離婚歸河陽節度夏魯奇家今為尼 遼史突
欲初為太子以淳欽后愛德光不得已讓位國於東平不得志明宗招
之立木刻詩云云遂攜高
美人并載畫籍澄海至

立木海上刻詩

小山歷大山大山全無力羞見故鄉人從此投外國

程紫霄

紫霄唐末道士後唐同光初嘗勅令入內殿講

論避暑錄云道家言人身中有三尸亦云三彭記人過矣庚申日乘人睡告之上帝學道者是不睡謂守庚申唐末朝士會終南太極觀守庚申紫霄笑曰此吾師托是以懼為惡者爾據牀求枕作詩示眾按筆鼻息如雷

示眾

不守庚申亦不疑此心常與道相依玉皇已自知行止任汝三彭說是非

吳涵虛

涵虛字含靈江西人出家為道士居南岳

全唐詩話涵虛

谷呼為吳孫好睡經旬不飲食常言曰人若要開即須懶好勤即不開也唐廢帝清泰羽化朱乾祐中有人於嵩山見之

上昇歌

玉皇有詔登仙職龍吐雲兮鳳著力眼前驀地見樓臺異草奇花不可識我向大羅觀世界世界即如指掌大當時不為上昇忙一時提向瀛洲賣

可止

止姓馬氏范陽房山人長近體律詩乾寧中賜

紫後唐明宗令住持洛京長壽寺署號文智大

師有三山集

全唐詩話高僧傳中山節度王處直座詠白鶴時諸侯兼并王欲繼好息民故可止詩云不知誰會暗

痛語必向王前報太平

山居

雪消春力展花漫洞門垂果長纖枝曲巖前直道移重
猿園淺井鬪鼠下疎籬寒食微燈在高風勢徹陂

贈樊川長老

瘦顏顴骨見滿面雪毫垂坐石鳥疑死出門人謂癡照
身潭入楚浸影檜生隋太白曾經夏清風涼四肢

送僧

四海無拘繫行心興自濃百年三事衲萬里一枝筇夜
滅當晴影春消過雪蹤白雲深處去知宿在何峰

哭賈島

燕生松雪地蜀死莖山根詩僻降今古官卑悞子孫塚
欄寒月色人哭苦吟魂墓雨滴碑字年年漆鮮痕

雪十二韻

落處咸過尺儵然物象淒瑞凝金殿上寒甚玉關西潤
比江河普明將日月齊凌雲花頂賦鎖徑竹梢低出谷
樵童怯歸林野鳥迷煮茶融破練磨墨染成緊陷鬼埋
平澤和魚凍合溪入樓消酒力當檻寫詩題道路依憑
馬朝昏委托鷄洞深猿作族松亞鶴移棲及夏清巖穴
經春溜石梯豐年兼泰國天道育黔黎

馮道慕容

題酒戶修孔廟狀

道鎮南陽郡中宣聖廟壞有酒戶十餘輩狀乞修葺未及判有幕客題狀後云云通遠罷其

請出已
俸重修

槐影參差覆杏壇
儒門子弟盡高官
却教酒戶重修廟
覓我慚惶也不難

鍾傅客

占歷日包

橘傳領江西日客以覆射之法求見傳以歷日包橘置袖中令射客云

太歲當頭坐
諸神不敢當
其中有一物
常帶洞庭香

楊苧蘿

苧蘿洛陽歌妓

全唐詩話苧蘿聰慧有才思楊疑式甚憐之時有講經僧雲辨在座忽檐前蜘蛛垂絲而下正

對苧蘿與僧前楊笑謂苧蘿試嘲得著師未絹五匹苧蘿應聲成丸肚大故云楊見詩絕倒大叫和尚將絹來辨懸且笑奉

詠垂絲蜘蛛

喫得肚嬰撐
尋思繞寺行
空中設羅網
只待殺眾生

京兆女子

女子姓氏未詳

題興元明珠亭

寂寥滿地落花紅
獨有離人萬恨中
回首池塘更無語
手彈珠淚背東風

姊妹三人

光武哀唐末
人失其姓

聯句

朱樓影直日當午玉樹陰低月已三
粉暗銷銀鏤合錯刀閑翦泥金衫
繡牀怕引烏龍吹錦字愁教青
黛百味鍊來憐益母千花開處
鬪宜男光鴛鴦有伴誰能美
鸚鵡無言我自慚感浪喜游蜂
飛撲撲伴驚孤燕語喃喃
哀偏憐舞數蠶蟻掌每憶光抽玳
瑁簪光煙洞幾年悲尚在
星橋一夕悵空含感窓前特節羞
虛擲世上風流笑苦諳
爽獨結香綃偷餉送暗垂檀袖學
通叅光須知化石心難定
却是為雲分易甘感看見風光零
落盡弦聲猶逐望江
哀

清泰三年歌

先是甲子歌有此清泰三年丙申大軍於太原南五樓村前大戰至九月晉祖行契丹至於城下王師敗績

至十一月戎王遣蕃軍送晉祖洛陽即胡虜亂中原之應也

丙申年數在五樓前但看八九月胡虜亂中原

後唐軍士謠

除去菩薩扶立生鐵

洛王之入洛許賞軍士錢百緡後不能給賞錢二十緡軍士猶怨望乃為此謠以問帝仁弱潞

王剛嚴有悔心故也

後唐宗廟樂舞辭

唐餘錄後唐並用唐樂無所變更惟別造六室舞辭誌祖室秦昭德之舞獻祖室秦文明之舞

太祖室秦應天之舞昭宗室秦永平之舞莊宗室秦武成之舞明宗室秦雍熙之舞

昭德舞

懿彼明德赫赫煌煌名高閭域功著旂常道符休泰運叶祺祥慶傳萬祀以播耿光

文明舞

帝業光揚皇圖翕赫聖德孔彰神功不測信及遐魚恩
霑動植懿範鴻名傳之萬億

應天舞

晉國肇興雄圖再固黼黻帝道金玉王度皇天無親惟
德是輔載誕英明永光聖祚

永平舞

慶傳瓚祚位正璫圖功宣四海化被八區靜彰帝道動
合乾符千秋萬祀永荷昭蘇

全五代詩卷十一

羅江李調元雨村編

晉

和凝

凝字成績鄆州須昌人舉進士初仕後唐天成
中歷翰林學士知貢舉晉天福五年拜中書侍
郎同門下平章事入漢拜太子太傅封魯國公

有紅葉稿

北夢瑣言和凝少年時好為曲子詞布于汴洛洎入相
專托人收拾焚燬然相公厚重有德終為艷詞所玷契
丹入夷門號為曲子相公樂書凝為文以多為富有集百卷自鏤板
以行識者非之曰此顏之推所謂誇靡符也和凝有採蓮曲云波上人
如潘玉兒掌中花似趙飛燕人傳誦之香奩集和魯公之詞也後貴
乃嫁其名于韓偓凝平生著述分為論游藝孝悌疑獄香奩金瓶六

集遊議論諱其名又欲後人知故游諱名集詩中實之此疑意也予在秀州其會孫和惇家藏諸書皆晉公故物未有印記甚完 談賓錄曲子相公晉和凝也判詩博士五代王仁裕也秦婦吟秀才蜀相韋莊也五代周張昭遠好學積萬卷號書樓張公五代蔣維東好學能屬文隱居衡岳從而受業者號山長五代唐帝謂史虛白曰真處士風月主人蜀歐陽彬也皂江漁翁蜀張立也南漢劉夔才人蘇氏通經史官中呼為蘇大家蜀黃宗蝦號女狀元

解紅歌

百戲罷五音清解紅一曲新教成兩個瑤池小仙子此時奪却柘枝名

漁父歌

白芷汀寒方鷺鷥蘋風輕翦浪花時烟幕幕日遲遲香引芙蓉惹釣絲

題鷹獵兔畫

雖是丹青物沈吟亦可傷君誇鷹兔眼疾我憫兔心忙豈動騷人興惟增獵客狂鮫綃百餘尺爭及製衣裳

醴泉院

萬山嵐靄簇洋城數處禪齋盡有名古柏八株堆翠色靈泉一派逗寒聲暫遊頗愛閑滋味久住翻嫌俗性情珍重支公每相勉我于儒行也修行

宮詞百首

紫燎光銷大駕歸御樓初見赭黃衣千聲鼓定將宣赦竿上金雞翅欲飛

北闕晴分五鳳樓
高山秀色護神州
洛河自契千年運
更擬波中出九疇
中興殿上曙光融
一炷天香舞瑞風
百辟虔心齊稽首
捲簾遙見御衣紅
日和風暖御樓時
萬姓齊瞻八彩省
瑞氣祥烟籠細仗
閣門宣赦四方知
鳳吹鸞歌曉日明
豐年觀稼出神京
封人爭獻南山壽
五色雲中御輦平
聖主臨軒待曉時
穿花宮漏正遲遲
雞人一唱乾坤曉
百辟分班嚴羽儀

朦朧夜月照池亭
初夜椒房掩畫屏
宮女相呼有何事
上樓同看老人星
紅泥椒殿綴珠璫
帳幔金龍窳地長
紅獸慢然天色暖
鳳爐時復藝沉香
九重樓殿簇丹青
高柳含烟覆井亭
宮內不知今日幾
自來階下數堯蓂
寢殿香濃玉漏嚴
雲隨涼月下西南
帳前宮女低聲道
主上還應夢傅巖
遶殿鉤闥壓玉階
內人輕語凭蔥臺
皆言明主垂衣理
不假朱雲傍檻來

顛預冰面瑩池心風刮瑤階臘雪深怪得宮中無獸炭
步搖釵是辟寒金

蘭殿春融自艷笙玉顏風透象紗明金簧如語鶯聲滑
可使雲和獨得名

蘭燭時將鳳髓添寒星遙映夜光簾龍樓露著鴛鴦瓦
誰近螭頭擲玉籤

玉甃蓮池春水平小魚雙竝錦鱗行內中知是黃河樣
九曲今年徹底清

真珠簾外靜無塵耿耿涼天景象新金殿夜深銀燭晃
宮嬪來奏月重輪

魚犀月掌夜通頭自著盤鶯錦臂鞦多把沉香配龍麝
宮中掌浸十香油

香雲雙颭玉蟬輕侍從君王苑裡行嘉瑞忽逢連理木
一時跪拜賀文明

金鸞雙立紫檀槽暖殿無風韻自高含笑試彈紅藥調
君王宣賜酪櫻桃

斑簟如霞可殿鋪更開新進瑞蓮圖誰人築損珊瑚架
子細看時認滌蘇

金盃初曉洗纖纖銀鴨香焦特地添出戶忽看春雪下
六宮齊捲水晶簾

暖金盤裡點酥山擬望君王子細看更向眉中分曉黛
巖邊染出碧琅玕

雲母屏前繡柱衣龍牀開卷諫書幃黃金檻外螭頭活
日照紅蘭露未晞

樓西殘月尚朧明中禁雞人報曉聲清旦司天臺進狀
夜來晴霽泰階平

織纓摩軒響佩環銀臺門外集鴛鴦三鐘五鼓祥烟斂
日照仙人捧露盤

司膳厨中也禁烟春宮相對畫秋千清明節日頒新火
蠟炬星飛下九天

宮木交芳色盡深
風輕舞早鶯
吟侍臣不異東方朔
應喜仙桃滿禁林

貢橘香勻醎醎容星光初滿小金籠
近臣押賜諸王宅
拜了方開敕字封

獻壽朝元欲偃戈
航深梯險競駢羅
若論萬國來朝日
比竝塗山更較多

艷陽風景簇神州
杏葉桃心照鳳樓
遙望青青河畔草
幾多歸馬與休牛

鑾輿觀稼晚方歸
日月旗中見御衣
萬姓焚香惟頂禮
瑞雲隨繖入宮闈

宮庭皆應紫微垣壯麗宸居顯至尊赤子顛顛瞻父母
已將仁德比乾坤

三農皆已闢田疇又見金門出土牛塊雨條風符聖化
嘉禾看却報新秋

進食門前水陸陳大官齋潔貢時新明君宵旰分甘處
便索金盤賜重臣

層臺金碧惹紅霞仙掌亭亭對月華昨夜盤中甘露滿
婕妤爭去奏官家

水殿垂簾冷色凝一牀珍簟展春冰才人侍立持團扇
金縷雙龍貼碧藤

香鴨烟輕藝水沈雲鬟閑墜鳳犀簪珠簾半捲開花雨
又見芭蕉展半心

鶯錦蟬羅撒麝臍後視輕噴瑞烟迷紅酥點得香山小
卷上珠簾日未西

錦褥花明滿殿鋪宮娥分坐學樗蒲欲教官馬衝閑過
吧願纖纖早擲盧

小樓花簇鈿山低金雉雙來蹋馬齊誇向傍人能彩戲
朝來贏得鷺鷥犀

紅鬃白馬嬾龍飛天廐供來入紫微遙見玉階嘶不已
應緣認得赭黃衣

班定千牛立受宣佩刀搢笏鳳墀前一聲不坐祥雲合
鴛鴦依行拜兩邊
三殿香濃曉色來祥鸞威鳳待門開鏘金佩玉趨丹陛
總是和羹作礪才
兩番供奉打球時鸞鳳分廂錦繡衣虎驟龍騰宮殿響
驊騮爭趨一星飛
鳳池冰泮岸莎勻柳眼花心雪裏新都是九重和暖地
東風先報禁園春
紫氣氤氳滿帝都映樓明月鎖金鋪銀泥殿裏嫌紅燭
教近龍牀著火珠

地衣初展瑞霞融繡帽金鈴舞舜風吹竹彈絲珠殿響
墜仙雙降五雲中
錦策勻鋪寒玉齊星鉉高運日通犀鏗金曲罷春冰碎
跪拜君王粉面低
珠簾靜卷水亭涼玉蘂風飄小檻香幾處按歌齊入破
雙雙雛燕出宮牆
宮娥解袂艷陽時鷁舸蘭橈滿鳳池春水如藍垂柳醉
和風無力裏金絲
白玉階前菊蕊香金盃仙醞賞重陽層臺雲集梨園樂
獻壽聲聲祝萬康

天籟吟風社燕歸
渚蓮香老碧苔肥
夜來霜墜梧桐葉
諸殿平明進御衣
鑪爇香檀獸炭癡
真珠簾外雪花飛
六宮進酒堯肴壽
舞鳳盤龍滿御衣
雲行風靜早秋天
競遶盆池蹋采蓮
罨畫披袍從宰地
更尋宮柳看鳴蟬
闌珊星斗綴珠光
七夕宮嬪乞巧忙
總上穿針樓上去
競看銀漢灑瓊漿
寶瑟淒鏘夜漏餘
玉階閑坐對蟾蜍
秋光寂歷銀河轉
已見宮花露滴疎

春風金縷萬年枝
簇白團紅爛熳時
宮女競思遊御苑
大家齊奏聖人知

乾文初見泰階平
日月常遵閣道行
昨夜仰觀垂象正
拱辰星宿轉分明

鏘鏘濟濟赴延英
漸近重瞳目轉明
君聖臣賢魚水契
鴻基須賀永清平

天廡駢駢集嫩龍
雪光相照曉嘶風
昂頭步步金鞍穩
掌扇花前御路中

金吾細仗儼威儀
聖旨凝旒對遠夷
曉日曛曛瞻玉案
丁冬環珮滿彤墀

正旦垂旒御八方蠻夷無不奉梯航群臣舞蹈稱觴處
雷動山呼萬歲長

聖主躬耕在籍田公卿環衛待豐年五風十雨餘糧在
金殿惟聞奏舜弦

聖日垂科委所司英才咸喜遇明時春官進榜鶯離谷
月殿香殘桂魄枝

天街香滿瑞雲生紅繖凝空景日明先遣五坊排獵騎
為民除害出神京

內宴初開錦繡攢教坊齊奏萬年歡簫韶響亮春雲合
日照堯階舞瑞鸞

視草詞臣直玉堂對來新賜錦袍香班資最在雲霄上
長是先迎日月光

玉殿朦朧散曉光金龍高噴九天香城鞭聲定初開扇
百辟齊呼萬歲長

五色御雲覆九重香烟高舞御樓中含元殿裡行仁德
四海車書已混同

欲封丹詔紫泥香朱篆龍文御印光汗渙絲綸出丹禁
便從天上鳳銜將

越溪姝麗入深宮儉素皆持馬后風盡道君王脩聖德
不勞辭輦與當熊

早梅初向雪中明
風惹奇香粉
藥輕誰道落花堪
蹟面
競來枝上采繁英

暖殿奇香馥綺羅
窗間初學繡金鵝
纔經冬至陽生後
今日工夫一綫多

金井澄泉玉液香
瑠璃深殿自清涼
溫湯頭進瓜初熟
後至宮嬪未得嘗

繡闥雕甍列錦閨
珍奇惟待鳳凰棲
杏梁烜赫晴霞展
時見空虛墜燕泥

龍鳳金鞍軟玉鞭
雪花光照錦連乾
駕頭直指西郊去
曉日寒生講武天

憂雲樓上定風盤
雀躍猿跳總不難
要對君王逞輕捷
御樓時擬上雞竿

停穩春衫窄地長
通天犀帶綴金章
近臣銜命離丹禁
高捧恩波灑萬方

垂黎玉押春簾卷
不夜珠樓曉盤開
袍袴宮人走迎駕
東風吹送御香來

金吾勘契自通官
樓上初聞唱刻閑
金殿香高初喚仗
數行鴛鴦各趨班

螺髻凝香曉黛濃
水精鸚鵡貼輕風
金釵斜戴宜春勝
萬歲千秋繞鬢紅

縷金團扇對纖絺正是深宮捧日時要對君王說幽意
低頭佯念婕妤詩
結金冠子學梳蟬碾玉蜻蜓綴鬢偏寢殿垂簾悄無事
試香閑立御爐前
金馬詞臣夜受宣授毫交直入花磚白麻草了初呈進
稱旨絲綸下九天
平明光政便門開已見忠臣早入來自是樞機符造化
大羅天上曜三台
紅羅窗裡繡偏慵彈袖閑隈碧玉籠蘭殿春晴鸚鵡睡
結條釵飈落花風

曉光初入右銀臺鴛鴦分班啟沃來如水如魚何際會
盡言金鼎得鹽梅

立名金馬近堯階盡是家傳八斗才麻尾尚猶龍字濕
便從天上鳳銜來

後狻鎮角舞筵張鸞鳳花分十六行輕動玉纖歌遍慢
時時偷眼看君王

邊藩開宴賀休征細仗初排舜日明坐定兩軍呈百戲
樂臣低折賀昇平

碧羅冠子簇香蓮結勝雙銜利市錢花下貪忙尋百草
不知遺却蹙金蟬

蘭省初除傅粉郎
靜端霜簡入鴛行
明庭轉制渾無事
朝下空餘雞舌香

采訪寧遺草澤人
詔搜無不降蒲輪
集賢殿裏開爐冶
待把黃金鑄重臣

紅玉纖纖捧暖笙
絳唇呼吸引春鶯
霓裳曲罷君王笑
宣近前來與改名

繡額朱門插艾人
羞將角黍近香唇
平明朝下誇宣賜
五色香絲繫臂新

芙蓉冠子水精簪
閑對君王理玉琴
鷺鷥脣勝仙子
步虛聲細象窗深

金馬門開侍從歸
御香猶惹賜來衣
曉光滿院金魚冷
紅藥花擎宿露飛

便殿朝回卸玉簪
競來芳檻摘花心
風和難捉花中蝶
却向窗前弄繡針

君王朝下未梳頭
長暈殘眉侍鑑樓
扼臂交光紅玉軟
起來重擬理篔簹

九重天上實難知
空遣微臣役夢思
葵藿一心期捧日
強搜狂斐擬宮詞

楊柳枝

軟碧揉烟似送人
映花時把翠眉嚬
青青自是風流王

慢颭金絲待洛神
瑟瑟羅裙金縷腰
黛眉隈破未重描
醉來敲損新花子
拽住仙郎盡放嬌
鵲橋初就咽銀河
今夜仙郎自姓和
不是昔年攀桂樹
豈能月裏索姮娥

洋川

華夷圖上見洋川
知在青山綠水邊
官閑最好遊僧舍
江近應須買釣船

賈玘

玘字仲寶晉天福三年進士宋初官至刑部郎

中

寄贈宣義大師

篆寫千文邁古今
感陶承旨撰碑陰
兩朝雨露書中得
滿篋詩章物外尋
衡嶽水雲長挂夢
帝城烟月不關心
西遊去後無消息
想共陳搏一處吟

夢英大師詩碑

全五代詩卷十二

羅江李調元雨村 編

晉

裴皞

皞字司東河東人唐光化中進士第歷事梁唐
至晉高祖官至工部尚書拜右僕射卒年八十

五贈太子太保

五代史皞以文學在朝廷久宰相馬允孫桑維翰皆皞禮部所放進士也後允孫知舉放榜引

新進士詣皞皞喜作詩曰門生門下見門生世傳以為榮維翰已作相常過皞皞不迎不送人或問之皞曰我見桑公於中書庶寮也桑公見我於私第門生也何送迎之有人亦以為當

示門生馬侍郎允孫

宦途最重是文衡天與愚夫著盛名三主禮闈年八十
門生門下見門生

崔 棧

棧字子文深州安平人梁貞明三年舉進士甲
科開封尹王瓚辟掌奏記唐明宗拜翰林學士
晉高祖時以戶部侍郎為學士承旨拜尚書左

丞遷太常卿改太子賓客分司西京卒

五代史棧為學士嘗草制為宰相秦維翰所改力爭之維翰不樂棧知天福二年貢舉時有進士孔英者素不與行為當時所惡棧初受命往見維翰維翰素貴尊嚴而語簡謂棧曰孔英來矣棧不諭其意以謂為孔英先客乃考英及弟物議大以為非遂罷學士職 五代會要晉天福四年十二月太常奏正至王公上壽皇帝舉酒奏元同之樂白帝三飲皆奏文同之樂食舉奏昭德之舞次奏成功之舞皇帝降坐奏大同之樂其辭並崔棧造唐餘錄曰

天福五年十一月又至朝羣臣舉觴奏元同三爵登歌奏文同四爵登歌作羣臣飲宮縣樂作又奏龜茲及霓裳法曲以須食畢於時衆聞龜茲法曲雅鄭雜揉固已非之明年正旦上壽登歌發聲悲離煩慙如虞殯薤露之音觀者以為不祥

羣臣酒行歌

劍佩儼如林齊傾拱北心渥恩頒美祿咸獲聽和音一
德君臣合重瞳日月臨歌時兼樂聖唯待贊泥金
萬國咸歸禹干官共祝堯拜恩瞻鳳宸傾耳聽雲韶運
啟金行遠時和玉燭調酒酣齊抃舞同賀聖明朝
令節陳高會羣臣侍御筵玉墀留愛景金殿靄祥烟振
鷺涵天澤靈禽下樂懸聖明無一事何處讓堯年

李 濤

全五代詩

卷十二

晉

二

濤字信臣避地湖南事馬殷後唐天成初舉進士仕晉為中書舍人後歷事漢晉周至平章事

入宋卒

唐摭言濤有句云溪聲長在耳山色不離門又掃地樹留影拂琳琴有聲又落日長安道秋槐滿地花 吟齋雜錄

諫晉主不從作詩云一言寤主寧復聽三諫不從歸去米 石林詩話云俗稱社日飲酒治聾時為翰林學士有月給內車酒故濤從乞之詩云春社從李昉乞酒社公今日沒心情為乞治聾酒一瓶惱亂玉堂將欲徧依稀到第三廳社公濤小字濤性滑稽泥水闕有僧每過必省未幾寺焚僧散因題詩云走却坐禪客移將不動尊世間顛倒事八萬四千門 又濤弟濬娶賈尚書女年甲巳高出參濤望塵下拜曰只將謂親家母又作歇後語云慙無 實建魏作梁山聞者莫不絕倒

春晝回文

茶餅嚼時香透齒水沈燒處碧凝烟紗窗閉着猶慵起
極困新晴乍雨天

李 澣

澣字日新濤之弟後唐天成中擢進士第仕晉

為翰林學士所著有丁年集

魏應後錄五代李濤與弟澣俱負才望澣仕石晉為

蒙求

學士濤在西掖縉紳榮之濬後仕契丹通顯 宋史濬幼聰敏慕王楊盧駱為文章後代唐侍郎楊凝式撰錢鏐王神道碑文彩道麗時輩稱之

王戎簡要裴楷清通孔明卧龍呂望非熊楊震關西丁
寬易東謝安高潔王導公忠匡衡鑿壁孫敬閉戶鄧都
蒼鷹甯成乳虎周嵩狼抗梁冀跋扈郝超顧參王珣短
簿伏波標柱博望尋河李陵初詩田橫感歌武仲不休
士衡患多桓譚非讖王商止詛猛呂命駕程孔傾蓋劇

孟一敵周處三害胡廣補闕袁安倚賴黃霸政殊梁習
治最墨子悲絲揚朱泣岐朱博烏集蕭芝雉隨杜后生
齒靈王出髭賈誼忌鵬莊周畏犧燕昭築臺鄭莊置驛
瓘靖二妙岳湛連辟郗詵一枝戴馮重席鄒陽長裾王
符逢掖鳴鶴日下士龍雲間晉宣狼顧漢祖龍顏鮑靚
記井羊祐識環仲容青雲叔夜玉山毛義捧檄子路負
米江革忠孝王覽兄弟蕭何定律叔孫制禮葛豐刺舉
息躬歷詆管寧割席和嶠專車時苗留犢羊續懸魚樊
噲排闥辛毘引裾孫楚漱石郝隆曬書枚臯詣闕充國
自贊王衍風鑑許劭月旦賀循儒宗孫綽才冠太叔辨

洽摯仲辭翰山濤識量毛玠公方袁盎却座衛瓘撫牀
于公高門曹參趣裝庶女振風鄒衍降霜范丹生塵晏
嬰脫粟詰汾興魏鼈靈王蜀不疑誣金卞和泣玉檀卿
沐猴謝尚鵠鵠泰初日月季野陽秋荀陳德星李郭仙
舟王恁繡被張氏銅鈎丁公遽戮雍齒先侯陳雷膠漆
范張鷄黍周侯山嶷會稽霞舉季布一諾阮瞻三語郭
文游山袁宏泊渚黃琬對日秦宓論天孟軻養素揚雄
草元向秀聞笛伯牙絕弦郭槐自屈南郡猶憐魯恭馴
雉宋均去獸廣客蛇影殷師牛鬪元禮模楷季彥領袖
魯褒錢神崔烈銅臭梁竦廟食趙溫雄飛枚乘蒲輪鄭

均白衣陵母伏劍軻親斷機齊后破環謝女解圍鑿齒
尺牘荀勗音律胡威推縑陸績懷橘羅含吞鳥江淹夢
筆李廡清貞劉麟高率蔣詡三徑許由一瓢楊僕移閔
杜預建橋壽王議鼎杜林駭堯西施捧心孫壽折腰靈
輒扶輪魏顥結草逸少傾寫平子絕倒澹臺毀髀子罕
辭寶東平為善司馬稱好公超霧市魯般雲梯田單火
牛江道執雞蔡裔殞盜張遼止啼陳平多轍李廣成蹊
陳遵投轄山簡倒載淵客泣珠交甫解佩龔勝不屈孫
寶自劾呂安題鳳子猷訪戴董宣彊項翟璜直言紀昌
賈蠡養由號援馮衍歸里張昭塞門蘇韶鬼靈盧充幽

婚震畏四知秉去三惑柳下直道叔敖陰德張湯巧詆
松周深刻三王尹京二鮑糾慝孫康映雪車允聚螢李
充四部并春五經谷永筆札顧愷丹青戴逵破琴謝敷
應星阮宣杖頭畢卓雍瓦下文伯羞鼈王崇寄鮪史丹青
蒲張湛白馬隱之感隣王脩輟社阮放八雋江鳧四凶
華歆忤旨陳羣蹙容王濬懸刀丁固生松姜維膽斗盧
植音鐘桓溫竒骨鄧艾大志楊脩捷對羅友默記杜康
造酒蒼頡制字樗里智囊邊韶經笥滕公佳城生果石
崖買妻耻醮澤室犯齋馬后大練孟光荆釵顏叔秉燭
宋宏不諧鄧通銅山郭況金穴秦彭攀轅侯霸臥轍淳

于炙輟彥國吐屑太真玉璽武子金埒巫馬戴星瘞賤
彈琴郝庶留錢雷義送金逢萌挂冠胡昭投簪王喬雙
鳧華佗五禽程邈隸書史籀大篆王承魚盜丙吉牛喘
賈琮褰帷郭賀露寃馮媛當熊班女辭輦王充閱市董
生下帷平叔傳粉宏治凝脂楊生黃雀毛子白龜宿瘤
米桑漆室憂葵韋賢滿籬夏侯拾芥阮簡曠達袁耽後
邁蘇武持節鄭眾不拜郭巨將坑董永自賣仲連蹈海
范蠡泛湖文寶緝柳温舒截蒲伯道無兒嵇紹不孤綠
珠墜樓文君當壚伊尹負鼎甯戚叩角趙壹坎壤顏駟
蹇剝龔遂勸農文翁興學晏御揚揚五鹿嶽嶽蕭朱結

綬王貢彈冠龐統展驥仇覽栖鸞葛亮顧廬韓信升壇
王褒柏慘閔損衣單蒙恬製筆蔡倫造紙孔伋緼袍祭
尊布被周公握髮蔡邕倒屣王敦傾室紀瞻出妓暴勝
持斧張綱埋輪靈運曲笠林宗折巾屈原澤畔漁父江
濱魏勃掃門潘岳望塵京房推律翼奉觀性甘寧奢侈
陸凱貴盛干木富義於陵辭聘元凱傳癖伯英草聖馮
異大樹千秋小車漂母進食孫鍾設瓜壺公謫天薊訓
厯家劉元刮席晉惠聞墓伊籍一拜鄴生長揖馬安四
至應璩三入郭解借交朱家脫急虞延剋期盛吉垂泣
豫讓吞炭鉏麴觸槐阮孚蠟履祖約好財初平起石左

慈擲杯武陵桃源劉阮天台王儉墜車褚淵落水季倫
錦障春申珠履甄后出拜劉楨平視胡嬪爭擄晉武傷
指石慶數馬孔光溫樹翟湯隱操許詢勝具優旃滑稽
落下歷數曼容自免子平畢娶師曠清耳離婁明目仲
文照鏡臨江折軸樂巴喫酒偃師舞木德潤傭書君平
賣卜叔寶玉潤彥輔冰清衛后髮鬢飛燕體輕元石沈
酒劉伶解醒趙勝謝躡楚壯絕纓惡來多力飛廉善走
趙孟疵面田駢天口張凭理窟喪顧談數仲宣獨步子
建八斗廣漢鉤距宏羊心計衛青拜幕去病辭第鄢哥
賣友紀信詐帝濟叔不癡周元無慧虞卿擔簦蘇章負

笈南風擲孛商受斲涉廣德從橋君章拒獵應奉五行
安世三篋相如題柱終軍棄繻孫晨橐席原憲桑樞端
木辭金鍾離委珠季札挂劍徐穉致芻朱雲折檻申屠
斷鞅衛玠羊車王恭鶴氅管仲隨馬蒼舒稱象丁蘭刻
木伯瑜泣杖陳遼豪爽田方簡傲黃向訪主陳實遺盜
龐儉鑿井陰方祀竈韓壽竊香王濛市帽句踐投醪陸
抗嘗藥孔愉放龜張顛隋鵲田豫儉素李恂清約義縱
攻剽周陽暴虐孟陽擲瓦賈氏如臯顏回簞瓢仲蔚蓬
蒿糜竺收資桓溫登高雷煥送劍呂虔佩刀老萊斑衣
黃香扇枕王祥守柩蔡順分椹淮南食時左思十稔劉

悵傾釀孝伯痛飲女媧補天長房縮地季珪士首長孺
國器陸玩無人賈誦非次何晏神伏郭奕心醉常林帶
經高鳳漂麥孟嘉落帽庾凱隋幘龍逢板出張華台圻
董奉活變扁鵲起號冠恂借一何武去思韓子孤憤梁
鴻五噫蔡琰辨琴王粲覆棊西門投巫何謙焚祠孟嘗
還珠劉昆反火姜肱共被孔融讓果端康相代亮陟隔
坐趙倫鷓怪梁孝牛禍桓典避馬王尊叱馭鼃錯峭直
趙禹廉倨亮遺巾幘備失七箸張翰適意陶潛歸去魏
諸南館漢相東閣楚元置醴陳蕃下榻廣利泉湧王霸
冰合孔融坐滿鄭崇門雜張堪折轅周鎮漏船郭伋竹

馬劉寬蒲鞭許史侯盛韋平相延雍伯種玉黃尋飛錢
王允千里黃憲萬頃虞駿才望戴淵鋒穎史魚黜殞子
囊城郢戴封積薪耿恭拜井汲黯開倉馮驩折券齊景
駟千何曾食萬顧榮錫灸田文比飯稚珪蛙鳴彥倫鶴
怨廉頗負荆須賈擢髮孔翊絕書申嘉私謁淵明把菊
真長望月子房取履釋之結鞅郭丹約閔祖逖誓江賈
逵問事許慎無雙婁敬和親白起坑降蕭史鳳臺宋宗
雞窗王陽囊衣馬援蕙苾劉整交質五倫十起張敞畫
眉謝鯤折齒盛彥感螭姜詩躍鯉宗資主諾成璫坐嘯
伯成辭耕嚴陵去釣董遇三餘譙周獨笑將閭仰天王

凌呼廟二疏散金陸賈分橐慈明八龍彌衡一鷄不占
隕車子雲投閣魏舒堂堂周舍謬謬無鹽如漆姑射若
冰邾子投火王思怒蠅符朗阜白易牙溜滉周勃織薄
灌嬰販繒馬良白眉阮籍青眼黥布開閔張良燒棧陳
遺飯感陶侃酒限楚昭萍實東哲竹簡曼倩三冬陳思
七步劉寵一錢廉范五袴汜毓字孤郁鑿吐哺荀弟轉
酷嚴母埽墓洪喬擲水陳泰挂壁王述忿狷荀粲惑溺
宋女愈謹敬姜猶績鮑照篇翰陳琳書檄浩浩萬古不
可備甄芟繁撫華爾曹勉旃

留題座主和凝舊閣

座主登庸歸鳳闕門生批詔立鰲頭玉堂舊閣多珍玩
可作西齋潤筆不

楊昭儉

昭儉後唐長興中進士殿中丞侍御史事石晉
為翰林學士入宋官尚書卒

贈夢英大師

紀贈歌詩數百人序師多藝各求新未言篆隸飛龍鳳
且說風騷感鬼神琴有古聲清耳目鶴無凡態惹埃塵
英公所學還如此不錯承恩近紫宸

題家園

池蓮憔悴無顏色園竹低垂減翠陰園竹池蓮莫惆悵
相看恰似主人心

鄭遨

遨字雲叟滑州白馬人昭宗時舉進士不第入
少室山為道士徙居華陰種田自給與道士李
道殷羅隱之友善世目為三高士晉高祖以諫
議大夫召不起遂賜號逍遙先生天福中卒年

七十四

三山老人語錄五代時鄭遨茶詩云維憂碧粉散嘗見綠
花生范文正公詩云黃金碾畔綠塵飛碧玉甌中翠濤起
茶色以白為貴二公皆以碧綠言之何耶
詩話鄭微君詩皆注淫靡迴絕高塵

山居

悶見有人尋移庵更入深落花流澗水明月照松林醉
勸頭陀酒閑教孺子吟身同雲外鶴斷得世塵侵
冥心棲太室散髮浸流泉採柏時逢麝看雲忽見山夏
狂衝雨戲春醉戴花眠絕頂登雲望東都一點烟
不求朝野知卧見歲華移採藥歸侵夜聽松飯過時荷
竿尋水釣背局上巖基祭廟人來說中原正亂離

茶

嫩芽香且靈吾謂草中英夜白和烟搗寒鑪對雪烹惟
憂碧粉散常見綠花生最是堪珍重能令睡思清

富貴曲

美人梳洗時滿頭間珠翠豈知兩片雲戴却數鄉稅
傷農

一粒紅稻飯幾滴牛領血珊瑚枝下人銜杯吐不歇
詠西施

素面已云妖更著花鈿飾臉橫一寸波浸破吳王國
思山詠

因賣丹砂下白雲鹿裘惟惹九衢塵不如將爾入山去
萬是非愁殺人

招友人遊春

難把長繩繫日烏芳時偷一收醉工夫任堆金壁磨星斗

因賣丹砂下白雲鹿裘惟惹九衢塵不如將爾入山去
萬是非愁殺人

招友人遊春

難把長繩繫日烏芳時偷取醉工夫任堆金壁磨星斗
買得花枝不老無

宿洞庭

月到君山酒半醒朗吟疑有水仙聽無人識我真閑事
贏得高秋看洞庭

題病僧寮

佛前香印廢晨燒金錫當門照寂寥童子不知師病困

報風吹折好芭蕉

題霍山秦尊師

老鶴元猿伴採芝有時長歎獨移時
翠娥紅粉渾如劍殺盡世人人不知

偶題

似鶴如雲一箇身不憂家國不憂貧
擬將枕上日高睡賣與世間榮貴人
帆力劈開滄海浪馬蹄踏破亂山青
浮名浮利濃如酒醉得人心死不醒

景福中作

悶見戈鋌匝四溟恨無奇策救生靈
如何飲酒得長醉直到太平時節醒

與羅隱之聯句

一壺天上有名物兩個世間無事人
邀醉却隱之雲叟外不知何處是天真
隱之

使北者

墨鴉詩

五代詩話幽薊數州自石晉賂戎後懷中華不已有
仙川若見燕中傳舍壁畫墨鴉甚工旁題詩云云

要識塗鴉意栖遲未得歸星稀月明夜
皆欲向南飛調元按原

本只有下二句上二句應是後人附會姑並存以俟攷

天嶠遊人

題鄧仙客墓

鄧仙客晉延康代為國師錫紫服葬麻姑山

鶴老芝田雞在籠上清那與俗塵同既言白日升仙去何事人間有殯宮

馬重績繇辭

占隨卦繇辭

重績明于數術晉高祖時為司天監後賓反命筮之過隨重績語其繇云歲將秋矣無能為也七月而後賓果敗

南瞻析木木不自續虛而動之動隨其覆

遼述律后謠

青牛媪曾避路

遼太祖后述律氏生而有雄畧嘗至遼土二河之會有女子乘青牛車倉卒避路忽不見未幾童謠云諺謂地祇為青

牛媪後果配太祖稱地皇后云

晉出帝詠天詩

青異錄晉出帝不善詩時為俳諧語詠天詩云云

高平上監碧翁翁

晉朝響樂章

初舉酒文同樂

赫矣昌運明哉聖王文興隆典禮復舊章鴛鸞濟濟鳥獸蹌蹌一人有慶萬壽無疆

舉酒

大明御宇至德動天君臣慶會禮樂昭宣劔佩成列金石在縣枌觴再獻寶歷萬年

再舉酒

朝野無事寰瀛大康聖人有作盛禮重光萬國執玉千

官奉觴南山永固地久天長

四舉酒

八表歡無事三秋賀有成
照臨同日遠渥澤並雲行
河變千年色山呼萬歲聲
願修封岱禮方以稱文明

晉昭德成功舞歌

唐餘錄晉天福五年詔有司復修正至朝會二舞之制以文舞為昭德之舞武舞為成功之舞

十一月冬至遂奏之於時二舞久廢眾喜於復興而樂工舞負雜取教坊以滿之聲節靡曼綴兆合節而無速促遲速之累及明年正旦再奏聲容踴厲進退無列議者非之五代史樂志曰文武六十四人左手執籥右手秉翟冠進賢冠服黃紗袍白紗中單皂領標白練襪襜白布大口袴草帶烏皮鞋白布襪武舞六十四人左手執干右手執戚服升平巾幘金支緋絲布大袖緋絲布兩褶甲金飾白練襪襜錦騰蛇起梁帶豹文大口布袴烏皮鞋

昭德舞歌二首

聖代修文德明庭舉舊章
兩階陳羽籥萬舞合宮商
劒

佩森鴛鴦簫韶下鳳凰
我朝青史上古有輝光

淮海干戈戢朝廷禮樂施
白駒皆就繫丹鳳復來儀
德備三苗格風行萬國隨
小臣同百獸率舞賀昌期

武功舞歌二首

撥亂資英主開基自晉陽
一戎成大業七德煥前王
漢提封遠姬周世祚長
朱干將玉戚全象武功揚
睿算超前古神功格上圓
百川留禹跡萬國戴堯天
既已橐弓矢誠宜播管弦
踰踰隨鳥獸共樂太平年

史五七年間能馳騁上下數百年事又注十代興亡論處亂世躬耕負米以養親後父卒服闋召為戶部侍郎以唐史未成詔與呂琦崔悅等續成之別置史館命昭兼判院事昭又撰唐朝君臣正論二十五卷上之改兵部侍郎八年遷吏部判東銓兼史館修撰判館事開運二年秋唐書成二百卷加金紫塔進爵邑三年拜尚書右丞判流內銓權知貢舉漢初復為吏部侍郎時追尊上廟定謚號樂章武曲命昭權判太常卿事月餘即真乾祐二年加檢校禮部尚書少帝年十九猶有童心昵比羣小昭上言請聽政之暇數召儒臣講論經義云

漢宗廟樂舞辭

高廟明靈丹啟圖金根玉輅幸神都巢阿丹鳳銜書命
入昴飛星獻寶符正撫薰弦娛赤子忽登仙駕泣蒼梧
薦櫻鶴館笳蕭咽酌卷金楹劍珮趨星俎雲壘兼曾禮
朱干象箭雜巴渝氤氳龍麝交情瑣髣髴錫鑿下藥珠
薦豆奉觴親玉几配天台祖耀璿樞受釐飲酒皇歡洽

仰俟餘靈泰九區

夜吟竇鞏集追思夷門題處已三稔矣悽然感興
書之

往歲記時梁苑夜今宵題處洛城秋浮生瞥電人何在
懷舊傷心淚迸流三徑竹風隣笛怨一庭霜月井梧愁
妻兒未會予惆悵只怪燈前不舉頭

王仁裕

仁裕字德輦天水人初為秦州判官入蜀為中
書舍人翰林學士歷唐晉至漢為戶部尚書太
子少保致仕卒所作有西江集

十國春秋仁裕少時嘗夢剖其腸胃以西江水滌之

顧見江中沙石皆成篆籀之文由是文思日進生平作詩逾萬首蜀人呼曰詩窖子 宋事寔類苑王公終於太子太保七十後精力不衰每天氣和暖必乘小駟從二四老蒼頭攜照袋以皮為之四方有蓋其中可容一斗以來中貯筆硯韻畧刀子礪石箋紙數十幅并小樂器之屬備酒炙三五人之具門生侍行出郊野遇園亭有竹樹之處燕賞終日賦詩品小管盡醉而歸 胡孝轅發籤公宴合樂每酒行一終伶人必唱嗜酒然後樂作此唐人送酒之詞本作碎音今多作平聲文士亦感之葉石林引王仁裕詩淑景易從風雨去芳尊須用管弦唯為證然仁裕本集自作開字下聯仍有催韻石林不知據何本也 全唐詩話 仁裕大散關句云鐵鎖寨門有白日大張旗幟插青天

上梓潼山

從蜀後主幸秦川作

綵杖拂寒烟鳴騶在半天黃雲生馬足白日下松巔
德安疲俗仁風扇極邊前程問成紀此去上三下

題劍門

和蜀後主作

孟陽曾有語刊在白雲稜李杜常挨托孫劉亦恃憑庸

才安可守上德始堪矜暗指長天路濃巒蔽幾層

荆南席上咏胡琴妓二首

天下大定錄云荆南高氏先建者宮于府西北隅延宴十餘里亭榭

花木甚盛從海紹立尤加完葺當招伶倫樂籍間多有梁園雜品物從海明音律僻好胡琴有女妓數十皆美其事仁裕使荆渚從海開宴出十妓彈胡琴為詩美之

紅粧齊抱紫檀槽一絃朱絃四十條湘水凌波漸鼓瑟
秦樓明月罷吹簫寒敲白玉聲偏婉暝逼黃鶯語自嬌
丹禁舊臣來側耳骨清神爽似聞韶
玉纖挑落折冰聲散入秋空韻轉清二五指中勾塞鴈
十三絃上轉春鶯譜從陶室偷將妙曲向秦樓寫得成
無限細腰宮裡女就中偏愜楚王情

題麥積山天堂

玉堂間話云麥積山者北跨清渭南斷兩當固巖巖起一石高萬尋其青雲之半梯空架險有散花樓由西閣懸梯而上有萬菩薩堂並就石鑿成自此室之上有一龕謂之天堂空中倚一獨梯至此萬中無一人敢登者仁裕獨登之仍題詩于天堂西壁前唐末辛未年也

躡盡懸空萬仞梯等閒身共白雲齊
簷前下視群山小堂上平分落日低
絕頂路危人少到古巖松健鶴頻棲
天邊為要留名姓拂石殷勤手自題

題斗山觀

玉堂間話云興元斗山觀自平川聳起一山四面懸絕其上
方於斗底故號之有唐公暇飲李八百仙酒全家拔宅之跡
仁裕辛巳歲為節度判官嘗以片板題詩于觀癸未年入蜀因謁嚴真觀
見斗山詩牌在焉不知所來舊說雲斗山一洞與嚴真觀井相通也

霞衣欲舉醉陶陶公助家飲八百洗
瘡酒醉而上昇不覺全家住絳霄
拔宅只知雞犬在上天誰信路歧遙
三清遠廓拋塵夢八景雲

烟事早朝為有故林蒼栢健露華涼葉鎖金甍

題孤雲絕頂淮陰祠

玉堂間話云興元之南有大竹路通巴州
深谿峭巖稠羅一上三日達山頂復登嶺其
絕頂謂之孤雲兩角彼中諺云孤雲兩角去天一握淮陰侯祠在焉昔漢祖
不用韓信遊歸西楚蕭相國追之及于茲山故立廟貌仁裕嘗佐褒梁帥王
思同南伐巴人往
返登陟留題于祠

一握寒天古木深路人猶說漢淮陰
孤雲不掩興亡策兩角曾懸去住心
不是冕旒輕布素豈勞丞相遠追尋
當時若放還西楚尺寸中華未可侵

和韓昭從駕過白衛嶺

龍旆飄飄指極邊到時猶更二三千
登高曉蹋巉巖石冒冷朝衝斷續烟
自學漢皇開土宇不同周穆好神仙

秦民莫遣無恩及大散關東別有天

賀王溥入相

石林詩話云仁裕知貢舉取王溥為狀元時年二十六後六年溥拜相時仁裕猶致仕無恙賀以詩曰

一戰文場拔趙旗便調金鼎佐無為白麻驟降恩何極
黃髮初聞喜可知跋勅案前人到少築沙堤上馬歸遲
立班始得遙相見親洽爭如未貴時

與諸門生春日會飲繁臺賦

柳陰如霧絮成堆又引門生飲古臺淑景即隨風雨去
芳樽宜命管絃開謾誇列日鳴鐘貴寧免朝烏夜兔催
爛醉也須詩一首不能空放馬頭回

示諸門生

談錄云仁裕知貢舉時已年高有數子皆早亡諸孫並幼一日生徒畢集出詩戲曰

二百一十四門生春風初長羽毛成擲金換得天邊桂
鑿壁偷將榜上名何幸不才逢聖世偶將疎網罩群英
衰翁漸老兒孫小異日知誰略有情

今日做賊頭也

過平戎谷弔胡

翹有文學佐荆湖藩幕善草軍書後視副軍構之主帥盡室坑平戎谷仁裕過而弔之

立馬荒郊滿目愁伊人何罪死林邱風號古木悲長在
雨濕寒莎淚暗流莫道文章為衆嫉只應輕薄是身讐
不緣魂寄孤山下此地堪名鸚鵡洲

奉詔賦劍州途中鷲獸

蜀後主幸秦川至劍州西鷲獸于路左叢林間躍出搏一人去至行宮顧

問臣僚皆陳恐懼命仁裕及李浩弼等賦之後主覽之大咲曰二臣之詩各有旨

劍牙釘舌血毛腥窺箕勞心豈暫停不與大朝除患難
惟於當路食生靈從將尸口資嚙口未委三丁稅幾丁
今日帝王親出狩白雲巖下好藏形

放猿

仁裕從事漢中有獻猿兒者憐其黠慧育之名曰野
賓經年壯大跳擲頗為惠繫紅絹于頸題詩送之

放爾丁寧復故林舊來行處好追尋月明巫峽堪憐靜
路隔巴山莫厭深棲宿免勞青嶂夢躋攀應慙白雲心
三秋果熟松梢健任抱高枝徹曉吟

遇所放猿再作

仁裕罷職入蜀行次漢江墻蟠冢廟前見一巨猿
捨群而前於道畔古木間垂身下顧紅綃宛在以
野賓呼之聲聲應立馬移時
不覺惻然遂繼之一篇云

蟠冢祠前漢水濱飲猿連臂下嶙峋漸來子細窺行客

認得依稀是野賓月宿縱勞羈縲夢松餐非復稻梁身
數聲腸斷和雲叫識是前時舊主人

符彥卿

彥卿字冠侯陳州宛邱人後唐中書令存審之

子漢乾祐中加中書令封魏國公歸宋卒

劉谷清
瑣高議

大夫丞相李公昉嘗言當日日外鎮為麗官符彥
卿知汴州有詩云云公之詩意蓋有憾之詞爾

知汴州作

全軍十萬擁雄師正是酬恩報國時汴水波濤喧鼓角
隋堤楊柳拂旌旗前驅紅旆關西將環坐青蛾趙國姬
為報長安冠蓋道羸官到底是男兒

趙逢

逢字常夫媯州懷戎人漢乾祐中擢甲科授秘書郎直史館入宋官諫議大夫卒

宋史逢傲歷清近所至有聲然傷慘

酷又言多詆訐故縉紳目之為鐵櫛

懷夢英大師

林巒影裡有清賢與我相知二十年書札愛工精玉篆利名拋捨住金田吟容賈島稱詩匠醉許劉伶作酒仙別後近聞樓華嶽亂雲應得恣情眠

王著

著字成象單州單父人漢乾祐中進士官至翰林

林學士入宋卒

贈夢英大師

到處聞人乞篆蹤學來年久有深功墨池潤類湘江水筆冢高齊太華峰金錫罷飛新解虎鐵盃收掌舊降龍知師吟戀烟村景不肯回頭望九重

許仲宣

仲宣字希粲青州人漢乾祐中進士官至太子

中允入宋卒

宋史仲宣為濟陰主簿時令與簿分掌縣印令畜嬖妾與其室爭寵令弗能禁發欲陷其主竊取其

印藏之封識如故以授仲宣翼日署事發匣則無其印因逮捕縣吏數輩及令簿家人下獄鞫問果得之於令舍竈突中令聞之倉皇失措仲宣處之晏然人服其量

清洛喜英公大師相訪

方袍紫染出彤庭久在林泉養性靈無事撓心長見醉
有名傳世不曾醒多年別我頭先白此日逢師眼倍青
記得上都相會否夜飛杯篆老君經

鍾離權

離權咸陽人自言生於漢遇江南許堅授仙訣

又遇華陽真人上仙王元甫傳道入崆峒山自

號雲房先生

宣和書譜神仙鍾離先生名權不知何時人間出接物自謂生于漢呂洞賓于先生執弟子禮自稱天下

都散漢字畫飄然有凌雲氣 事寔類苑邢州開元寺僧院有五代時隱士鍾離權草書詩三絕筆勢迥逸其詩云云後從廣知邢州勸詩于石

示太原學士

風燈泡沫兩相悲未肯遺榮自保持領下藏珠當猛取
身中有道更求誰才高雅稱神仙骨知照靈如大寶龜
一半青山無買處與君攜手話希夷

雲麓漫抄莊綽跋云昔維揚有何仙姑者世以為謫仙能與真靈接一日鍾離過之使治黃素乃書此詩曰公亦跋其後令侯王學士至授之後數日王古敏仲自貳卿出守會稽至維揚訪姑即以與之王秘不以示人

草書詩

露滴紅蘭玉滿畦閑拖象履到峯西但令心似蓮花潔
何必身將槁木齊古塹細香紅樹老半峯殘雪白猿啼
雖然不是桃花洞春至桃花亦滿溪

夷堅志淳熙十一年溧陽翁斗子坐盜官米黥配而籍其家得草書二軸題云庚申歲書其名權花押止如一劍之狀蓋鍾離翁也其詞云云李粹伯跋之曰字畫放逸有翔龍舞鳳之勢脫去尋常畦徑非得于心而應于手者不能爾飄然

神仙風度固有所本云真本藏于建康府治軍資庫絹素標飾處皆斷裂獨字畫不動景裴嘗見之庚申歲者豈非藝祖創業建隆元年乎

題長安酒肆壁三絕

坐臥常携酒一壺不教雙眼識皇都乾坤許大無名姓
疎散人中一丈夫

得道真僧不易逢幾時歸去願相從自言任處連滄海
別是蓬萊第一峯

莫厭追歡笑語頻尋思離亂好傷神閑來屈指從頭數
得見清平有幾人

不文不筆士

神仙風度固有所本云真本藏于建康府治軍資庫絹素帳內歷代
數百年書不動景表嘗見之庚申歲者宜非謬也創修建隆元年

題長安酒肆壁三絕

坐臥常携酒一壺不教雙眼識皇都乾坤許大無名姓
疎散人中一丈夫

得道真僧不易逢幾時歸去願相從自言住處連滄海
別是蓬萊第一峯

莫厭追歡笑語頻尋思離亂好傷神閑來屈指從頭數
得見清平有幾人

